



PERLEMBAGAAN PARTI ISLAM SE-MALAYSIA (PAS)

MUQADDIMAH

BAHAWA dengan sesungguhnya adalah diisytiharkan, demi untuk menyempurnakan taqwa kepada Allah dan kebaktian kepada sesama manusia, yang dijadikan bagi menegakkan AL-AMRU BIL MA'RUF WAN NAHYU 'ANIL MUNKAR dalam kehidupan bermasyarakat dan bernegara, maka inilah diisytiharkan sebuah pertubuhan yang dinamakan "PARTI ISLAM SE-MALAYSIA"

BAB YANG PERTAMA NAMA DAN PEJABAT YANG DIDAFTARKAN

FASAL 1. Nama.

Nama pertubuhan ini ialah '**Parti Islam Se-Malaysia**' ringkasnya disebut '**PAS**' sahaja.

FASAL 2. Pejabat yang didaftarkan.

Pejabat Agung PAS yang didaftar pada masa ini ialah:

**Pejabat Agung PAS,
No. 318-A, Jalan Raja Laut,
50350 Kuala Lumpur.**

BAB YANG KEDUA DASAR DAN SERUAN

FASAL 3. Dasar.

Dasar PAS ialah **ISLAM**.

FASAL 4. Seruan.

Seruan PAS ialah **ALLAHU AKBAR**.

BAB YANG KETIGA TUJUAN, USAHA, HUKUM DAN KEKUASAAN

FASAL 5. Tujuan PAS.

- (1) Memperjuangkan wujudnya di dalam negara ini sebuah masyarakat dan pemerintahan yang terlaksana di dalamnya nilai-nilai hidup Islam dan hukum-hukumnya menuju keredhaan Allah.
- (2) Mempertahankan kesucian Islam serta kemerdekaan dan kedaulatan negara.

FASAL 6. Usaha-usaha PAS.

- (1) Menyeru umat manusia kepada Syari'at Allah dan Sunnah RasulNya melalui dakwah secara lisan, tulisan dan amalan.
- (2) Memperjuangkan Islam sebagai aqidah dan syari'at serta menjadikannya sebagai panduan berpolitik dan bernegara serta memperkenalkan nilai-nilai kelslaman dalam usaha menegakkan keadilan dan kemajuan di segenap bidang termasuk pemerintahan dan pentadbiran,

ekonomi dan sosial serta pelajaran dan pendidikan.

- (3) Memupuk dan memperkuat ukhuwah Islamiyah dan menyuburkan rasa perpaduan di kalangan rakyat bagi memelihara kehidupan politik dan masyarakat yang sihat dan berkeadilan.
- (4) Mengajak dan menggalakkan badan-badan, pertubuhan-pertubuhan dan orang-orang perseorangan bagi mengenali dan memahami serta memperjuangkan konsep dan pandangan hidup Islam.
- (5) Menyediakan rencana-rencana dan bertindak bagi memperbaiki susunan serta institusi-institusi masyarakat, bentuk politik, keadilan ekonomi dan negara, untuk membela kepentingan umat Islam dan rakyat seluruhnya.
- (6) Menyertai dan bekerjasama dengan badan-badan, persatuan-persatuan atau pertubuhan-pertubuhan yang tidak berlawanan tujuannya dengan PAS bilamana dan selama ianya mustahak dan sesuai serta tidak bercanggah dengan undang-undang negara.
- (7) Mempertahankan Bahasa Malaysia sebagai bahasa rasmi negara yang tunggal dalam amalannya di samping berusaha mengembangkan bahasa al-Quran.
- (8) Memperjuangkan wujudnya kebudayaan negara berasaskan nilai-nilai yang tidak bercanggah dengan ajaran-ajaran Islam.
- (9) Memperjuangkan hak dan kepentingan umat Islam di negara ini tanpa mengabaikan

tanggungjawab melaksanakan keadilan terhadap seluruh rakyat Malaysia dan tanggungjawab mewujudkan keharmonian antara kaum di dalam negara ini.

- (10) Menyertai dan bekerjasama dengan Bangsa-Bangsa Bersatu dan badan-badan lain yang sah bagi mengekalkan keamanan dan menjamin hak-hak asasi manusia serta menghapuskan segala macam kezaliman, kepalsuan, perhambaan dan penindasan di kalangan umat manusia.
- (11) Melakukan apa-apa jua usaha dan tindakan dalam batas-batas Perlembagaan dan Undang-Undang negara bagi mencapai semua tujuan-tujuan PAS :

FASAL 7. Hukum dan Kekuasaan

- (1) Adapun hukum yang tertinggi sekali dalam pegangan PAS ialah KITABULLAH dan SUNNAH RASUL serta IJMAK 'ULAMAK dan QIAS yang terang dan nyata, dengan tertakluk kepada hukum yang tertinggi itu, kekuasaan PAS adalah dipegang oleh Mukhtar PAS Pusat.
- (2) Dengan tertakluk kepada hukum-hukum dalam cerai (1) itu segala gerakan dan pentadbiran PAS adalah dijalankan di bawah perintah dan kekuasaan Mukhtar, akan tetapi Mukhtar itu sendiri tertakluk di bawah syarat-syarat yang terkandung dalam Perlembagaan PAS dan aturan peraturan Mukhtar atau Mesyuarat Agung PAS.

FASAL 8. Majlis Syura 'Ulamak

- (1) Bagi menjamin kekuasaan PAS yang diperuntukan dalam Fasal 7(2) dan badan-badan yang diberikan kepadanya kuasa oleh Mukhtamar Tahunan PAS Pusat dan oleh mana-mana peruntukan dalam Perlembagaan ini, tidak terkeluar daripada kehendak-kehendak yang diperuntukan dalam Fasal 7 (1) dan tidak berlawanan dengan dasar PAS seperti yang diperuntukan dalam Fasal 3 Perlembagaan ini, maka hendaklah ditubuhkan sebuah majlis yang dinamakan "Majlis Syura 'Ulamak" dan diberi kepadanya kuasa-kuasa seperti berikut:
- (a) Menghurai, menjelas dan mentafsirkan dasar PAS dan mana-mana peruntukan di dalam Perlembagaan ini yang menimbulkan kesamaran mengenai maksud dan tujuannya dan membuat ketetapan mengenainya ;
 - (b) Mengeluarkan arahan dan perintah supaya dasar dan ketetapan itu dipatuhi dan dilaksanakan oleh mana-mana pihak atau badan di dalam PAS dan mengawasi serta memelihara supaya dasar dan ketetapan serta kehendak-kehendak dalam Perlembagaan ini dipatuhi dalam kegiatan, gerakan dan pentadbiran PAS ; dan
 - (c) Mendengar dan memutuskan semua rayuan semula tatatertib yang dikemukakan oleh Ahli PAS mengikut Fasal 77 Perlembagaan ini.
- (2) Ahli-ahli Majlis Syura 'Ulamak hendaklah terdiri daripada tidak lebih tujuh belas orang iaitu:

- (a) Seorang Mursyidul 'Am;
 - (b) Seorang Timbalan Mursyidul 'Am;
 - (c) Seorang Setiausaha Majlis Syura 'Ulamak;
dan
 - (d) Tidak lebih empat belas orang Ahli Majlis
Syura 'Ulamak
- (3) Seseorang yang hendak dilantik menjadi Ahli Majlis Syura 'Ulamak itu hendaklah seseorang yang mengetahui masalah-masalah pokok (AL-USUL) dalam syariat Islam dan hukum-hukumnya atau/dan dapat merujuk masalah-masalah itu kepada al-Quran, as-Sunnah, Ijmak dan Qias dengan faham akan maksud dan maknanya yang muktabar dan hendaklah seorang yang adil yakni tidak melakukan dosa besar atau terus menerus melakukan dosa kecil dan hendaklah terpelihara maruahnyanya serta hendaklah seorang Ahli PAS.
- (4) Empat orang daripada ahli Majlis Syura 'Ulamak itu hendaklah dipilih dan dilantik oleh Jawatankuasa Kerja PAS Pusat dan empat orang yang dipilih dan dilantik oleh Jawatankuasa Kerja Dewan 'Ulamak PAS Pusat dan masing-masing dua orang yang dipilih dan dilantik oleh Jawatankuasa Kerja Dewan Pemuda PAS Pusat dan Jawatankuasa Kerja Dewan Muslimat PAS Pusat dan tidak lebih lima orang yang baki itu dipilih dan dilantik oleh Majlis Syura 'Ulamak itu sendiri. Keahlian seseorang ahli majlis itu boleh diperbaharui oleh pihak yang memilih/melantiknyanya setelah tamat tempoh tersebut.

- (5) Ahli-ahli Majlis Syura 'Ulamak itu hendaklah memegang jawatannya selama lima tahun. Walau bagaimanapun ahli-ahli majlis ini boleh berhenti sebelum cukup tempoh lima tahun dan boleh diberhentikan oleh Majlis Syura 'Ulamak yang mempunyai kuasa menentukan kelayakan seseorang ahli mengikut peruntukan Ceraian (3) Fasal ini dan sebab-sebab seseorang ahli itu patut diberhentikan.
- (6) Seorang Ketua Majlis Syura 'Ulamak yang dikenali sebagai Mursyidul 'Am dan seorang Timbalannya yang dikenali sebagai Timbalan Mursyidul 'Am hendaklah dipilih di dalam dan dengan persetujuan mesyuarat Majlis Syura 'Ulamak tersebut dari kalangan ahli-ahlinya dan akan memegang jawatan itu selama lima tahun dengan syarat dia boleh berhenti sebelum cukup tempoh tersebut dan boleh diberhentikan dengan persetujuan dua pertiga daripada ahli-ahli Majlis Syura 'Ulamak itu dan boleh diperbaharui perlantikannya setelah tamat tempoh dia memegang jawatan itu.
- (7) Seorang Setiausaha Majlis Syura 'Ulamak hendaklah dilantik oleh Mursyidul 'Am di dalam dan dengan persetujuan mesyuarat Majlis Syura 'Ulamak dari kalangan ahli-ahlinya, dan hendaklah memegang jawatan itu selama lima tahun dengan syarat dia boleh berhenti sebelum cukup tempoh tersebut dan boleh diberhentikan dengan persetujuan mesyuarat Majlis Syura 'Ulamak dan boleh diperbaharui perlantikannya setelah tamat tempoh dia memegang jawatan itu.
- (8) Mursyidul 'Am hendaklah mempengerusikan semua mesyuarat-mesyuarat Majlis Syura 'Ulamak. Sekiranya ketiadaan Mursyidul 'Am

dengan apa-apa sebab sekalipun, tugas mempengerusikan mesyuarat Majlis Syura 'Ulamak itu hendaklah dijalankan oleh Timbalan Mursyidul 'Am. Jika kedua-duanya berhalangan atas apa-apa sebab, maka mesyuarat Majlis Syura 'Ulamak hendaklah melantik salah seorang dari kalangan ahli-ahlinya untuk mempengerusikan mesyuarat itu.

- (9) Majlis Syura 'Ulamak hendaklah mengadakan mesyuarat sekurang-kurangnya sekali dalam masa tiga bulan, atau pada sebarang masa yang lain yang dikehendaki oleh Mursyidul 'Am. Notis mesyuarat hendaklah dihantar kepada tiap-tiap ahli Majlis Syura 'Ulamak tidak kurang 14 hari daripada tarikh yang ditetapkan untuk bermesyuarat.
- (10) Cukup bilang bagi mengadakan mesyuarat Majlis Syura 'Ulamak itu ialah sembilan orang daripada ahli-ahlinya yang hadir.
- (11) Adapun seseorang Ahli Majlis Syura 'Ulamak itu bolehlah dilucutkan jawatannya dengan persetujuan mesyuarat Majlis Syura 'Ulamak jika gagal hadir mesyuarat sebanyak tiga kali berturut-turut tanpa sebarang makluman kepada Setiausaha Majlis Syura 'Ulamak.
- (12) Majlis Syura 'Ulamak boleh, mengikut budi bicaranya, membuat apa-apa peraturan bagi melicinkan pelaksanaan tugas dan kuasa-kuasa yang diberikan kepadanya dan menjaga serta memelihara keutuhan dan kehormatan serta kewibawaan Majlis Syura 'Ulamak tersebut.

FASAL 9. Tugas-tugas Majlis Syura 'Ulamak

(1) Mursyidul 'Am

- (a) Bertanggungjawab sebagai ketua Majlis Syura 'Ulamak bagi melaksanakan kuasa-kuasa yang diperuntukan dalam Fasal 8 (1)(a), (b) dan (c) Perlembagaan ini;
- (b) Menetap dan mempengerusikan mesyuarat-mesyuarat Majlis Syura 'Ulamak; dan
- (c) Mengambil apa-apa jua langkah yang perlu bagi mengawasi dan memelihara Perlembagaan, dasar dan hukum PAS dipatuhi dalam kegiatan, gerakan dan pentadbiran PAS.

(2) Timbalan Mursyidul 'Am

- (a) Membantu tugas-tugas Mursyidul 'Am; dan
- (b) Mempengerusikan mesyuarat-mesyuarat Majlis Syura 'Ulamak apabila Mursyidul 'Am berhalangan atau tidak hadir.

(3) Setiausaha Majlis Syura 'Ulamak

- (a) Bertanggungjawab secara langsung kepada Mursyidul 'Am dan Majlis Syura 'Ulamak;
- (b) Bertanggungjawab melaporkan kepada Mursyidul 'Am dan Majlis Syura 'Ulamak atas segala tindakan yang dijalankan berhubung dengan pentadbiran Pejabat Majlis Syura 'Ulamak;

- (c) Bertanggungjawab di atas kesempurnaan semua mesyuarat dan muzakarah Majlis Syura 'Ulamak; dan
 - (d) Menerima permohonan rayuan semula tatatertib mengikut Fasal 77(5) Perlembagaan ini dan permohonan pentafsiran Perlembagaan PAS mengikut Fasal 82(1) Perlembagaan ini daripada mana-mana Ahli PAS.
- (4) Ahli-ahli Majlis Syura 'Ulamak
- (a) Melaksanakan dan mengambil langkah-langkah yang perlu bagi menjalankan kuasa-kuasa yang diperuntukan oleh Fasal 8(1) (a), (b) dan (c);
 - (b) Mendengar dan mempertimbangkan rayuan semula tatatertib menurut Fasal 77; dan
 - (c) Menyediakan peraturan pemilihan calon pilihan raya menurut Fasal 39(9)(f).

BAB YANG KEEMPAT DARI HAL AHLI-AHLI

FASAL 10. Keahlian PAS.

Ada dua jenis keahlian dalam PAS, iaitu dinamakan 'Ahli PAS' dan 'Ahli Bersekutu PAS'.

FASAL 11. Syarat-syarat Menjadi Ahli.

- (1) Syarat untuk menjadi seorang Ahli PAS itu ialah:
 - (a) Warganegara Malaysia;

- (b) Beragama Islam;
 - (c) 'Aqil baligh menurut Hukum Syara'; dan
 - (d) Mengaku, menerima dan taat kepada Perlembagaan PAS, peraturan, arahan-arahan dan keputusan-keputusan Parti dari semasa ke semasa.
- (2) Syarat untuk menjadi seorang Ahli Bersekutu PAS itu ialah:
- (a) Warganegara Malaysia;
 - (b) Beragama selain dari Islam;
 - (c) Berumur tidak kurang dari 18 tahun yang dikira pada 1 Januari pada tahun berkenaan; dan
 - (d) Mengaku, menerima dan taat kepada Perlembagaan PAS, peraturan, arahan-arahan dan keputusan-keputusan Parti dari semasa ke semasa.

FASAL 12. Permohonan Menjadi Ahli.

- (1) Seseorang yang hendak menjadi Ahli PAS atau Ahli Bersekutu PAS mestilah menghantar permohonan kepada Setiausaha Cawangan di mana ia berkehendak masuk menjadi ahli, kecuali jika ada sesuatu sebab yang munasabah maka bolehlah dilakukan seperti berikut:
- (a) Di mana-mana tempat yang tidak ada Cawangan hendaklah dihantar terus kepada Setiausaha Kawasan ataupun;
 - (b) Di mana-mana tempat yang tidak ada Cawangan dan/atau Kawasan hendaklah ia menghantar terus permohonan kepada

Setiausaha Agung PAS bagi menjadi Ahli PAS atau Ahli Bersekutu PAS yang berdaftar terus; atau

- (c) Dengan tidak mengendahkan apapun yang terkandung dalam butiran-butiran di atas dalam Fasal ini, maka Setiausaha Agung dalam keadaan dan sebab-sebab yang tertentu bolehlah menerima sebarang permohonan menjadi ahli yang berdaftar terus ke Pejabat Agung.
- (2) Sebarang permohonan menjadi Ahli PAS atau Ahli Bersekutu PAS hendaklah menggunakan borang yang telah ditentukan oleh Jawatankuasa Harian PAS Pusat.
- (3) Tiap-tiap sekeping borang itu hendaklah ditandatangani atau dengan apa-apa keterangan oleh permohonan itu, dan juga oleh seorang ahli yang menjadi pencadang dan seorang ahli yang menjadi penyokongnya. Kedua-dua orang yang menjadi pencadang dan penyokong itu hendaklah tahu benar-benar akan orang yang memohon itu.

FASAL 13. Memilih Ahli.

- (1) (a) Setiausaha Cawangan hendaklah mengangkat semua permohonan menjadi ahli kepada Setiausaha Kawasan dengan memberikan keterangan-keterangan seberapa yang boleh tentang permohonan-pemohon yang berkenaan;
- (b) Setiausaha Kawasan hendaklah mengangkat semua permohonan menjadi ahli, samada dari Cawangan-cawangan atau terus kepadanya, kepada Setiausaha Agung

dengan disertakan keterangan-keterangan seberapa yang boleh tentang permohonan-pemohon yang berkenaan; dan

- (c) Setiausaha Agung hendaklah mengemukakan semua permohonan menjadi Ahli PAS atau Ahli Bersekutu PAS dari Kawasan-kawasan dan/atau ahli berdaftar terus kepada Jawatankuasa Harian PAS Pusat dengan seberapa segera yang boleh bagi menimbangkan permohonan-pemohonan itu.
- (2) Mana-mana permohonan menjadi ahli yang telah ditolak tidaklah boleh mengulangi permohonan melainkan selepas enam bulan dari tarikh permohonan itu ditolak.

FASAL 14. Sijil Ahli.

- (1) Tiap-tiap seseorang ahli itu hendaklah mempunyai sekeping Sijil Keahlian atau Kad Keahlian atau apa-apa jenis perakuan yang dipersetujui oleh Jawatankuasa Kerja PAS Pusat sebagai bukti menjadi Ahli PAS atau Ahli Bersekutu PAS.
- (2) Sijil-sijil hendaklah dikeluarkan oleh Pejabat Agung PAS melalui Setiausaha PAS Kawasan dan Cawangan atau terus kepada ahli bagi ahli-ahli yang berdaftar terus.
- (3) Sijil yang dikeluarkan kepada ahli-ahli itu hendaklah ditandatangani oleh Presiden PAS, Setiausaha Agung dan Setiausaha PAS Kawasan di tempat yang ada Kawasan, dan hendaklah mempunyai cop mohor parti.

- (4) Seseorang ahli itu tidaklah diakui menjadi ahli sekiranya tiada atau sebelum daripada mempunyai sijil itu.
- (5) Jawatankuasa Kerja PAS Pusat adalah berkuasa membuat Aturan dan Peraturan berkenaan dengan mengadakan sijil-sijil ahli dan mengeluarkan serta menggunakan ataupun berkenaan apa-apa perkara yang berkaitan dengan sijil itu.

FASAL 15. Keberhentikan Ahli.

- (1) Keberhentikan ahli ialah disebabkan:
 - (a) Permintaan sendiri; atau
 - (b) Dipecat; atau
 - (c) Mengisytihar diri keluar PAS atau menyertai parti politik lain; atau
 - (d) Terlucut kewarganegaraannya
- (2) Seseorang ahli bolehlah memaklumkan keberhentiannya daripada menjadi ahli secara bertulis kepada Setiausaha Agung, dan sesudah dimaklumkan kepada Jawatankuasa Harian PAS Pusat, maka Setiausaha Agung hendaklah memberitahu keberhentikan ahli yang berkenaan itu kepada PAS Kawasan yang berkaitan beserta salinannya kepada Ahli-ahli Jawatankuasa Kerja PAS Pusat, Pesuruhjaya-pesuruhjaya PAS Negeri dan Wilayah Persekutuan.
- (3) (a) Pemecatan seseorang ahli itu bolehlah dilakukan apabila terbukti ianya telah melanggar Perlembagaan PAS, Aturan dan Peraturan serta arahan-arahan, dan

keputusan-keputusan parti, atau telah melakukan sebarang perbuatan yang berlawanan dengan kepentingan parti atau menyalahi tata tertib parti;

- (b) Perhubungan PAS negeri-negeri, PAS Kawasan-kawasan, Cawangan-cawangan dan Dewan-dewan bolehlah mengemukakan cadangan untuk memecat seseorang ahli kepada Setiausaha Agung bagi dipertimbangkan dan diputuskan oleh Jawatankuasa Tata tertib PAS;
 - (c) Kecuali ahli yang dipecat mengikut Fasal 76(9), seseorang ahli yang dipecat daripada menjadi ahli, bolehlah mengemukakan rayuannya kepada Setiausaha Agung untuk dibawa ke dalam pertimbangan Mesyuarat Jawatankuasa Kerja PAS Pusat dengan syarat rayuan itu hendaklah dibuat dalam tempoh tidak lewat dari tiga puluh hari dari tarikh pemecatannya;
 - (d) Seseorang ahli yang dipecat daripada menjadi Ahli PAS atau Ahli Bersekutu PAS mengikut Fasal 76(9), bolehlah mengemukakan rayuannya terus kepada Setiausaha Majlis Syura 'Ulamak untuk dibawa ke dalam pertimbangan Majlis Syura 'Ulamak dengan syarat rayuan itu hendaklah dibuat dalam tempoh tiga puluh hari daripada tarikh pemecatannya oleh Jawatankuasa PAS Pusat.
- (4) Seseorang ahli itu boleh dikenakan tindakan pemecatannya jika ia tidak menafikan secara bertulis kepada Setiausaha Agung akan sebarang maklumat, khabar atau berita mengenai pengisytiharan dirinya keluar PAS

atau menyertai parti politik lain dalam tempoh tiga puluh hari dari tarikh surat meminta penjelasan kerananya daripada Setiausaha Agung ke alamat terakhir ahli yang berkenaan diketahui.

- (5) Seseorang ahli yang terlucut kewarganegaraannya maka dengan sendirinya ia terlucut daripada menjadi ahli.

FASAL 15A. Keberhentian Ahli Badan Perundangan

- (1) Setelah seorang ahli dipilih sebagai seorang Ahli Dewan Rakyat atau Ahli Dewan Undangan Negeri atau Ahli Dewan Negeri, keahliannya terhenti serta-merta apabila ahli tersebut melakukan mana-mana satu yang berikut:
- a) Menyertai atau menyatakan sokongan kepada suatu parti atau pakatan politik yang tidak dianggotai oleh PAS; atau
 - b) Menyertai atau menyatakan sokongan kepada mana-mana pihak yang bertentangan dengan arahan atau pendirian parti; atau
 - c) Memilih untuk menjadi Ahli Dewan Rakyat atau Ahli Dewan Undangan Negeri atau Ahli Dewan Negeri bebas; atau
 - d) Menyatakan pendirian atau melakukan sebarang tindakan yang menyalahi atau merugikan kepentingan parti.
- (2) Setelah seorang ahli melanggar mana-mana satu perkara di Fasal 15A(1), Setiausaha Agung hendaklah mengeluarkan satu Notis

Keberhentian kepada ahli tersebut dan memaklumkan keberhentian ahli yang berkenaan kepada PAS Kawasan yang berkaitan dan keputusan adalah muktamad.

FASAL 16. Hak-hak dan Kewajipan Ahli

(1) Hak-hak Ahli PAS ialah:

- (a) Memilih dan dipilih untuk memegang mana-mana jawatan dalam parti dan boleh dicadang untuk mewakili parti. Seseorang Ahli PAS tidak boleh memegang dua atau lebih jawatan di dalam satu Jawatankuasa Kerja yang sama;
- (b) Mengundi dan diundi dalam parti mengikut ketentuan-ketentuan yang terdapat di dalam Perlembagaan PAS serta Aturan dan Peraturannya;
- (c) Menghadiri perhimpunan-perhimpunan dan rapat-rapat parti;
- (d) Memberikan pendapat dan pandangan kepada parti; dan
- (e) Mendapat apa-apa gelaran yang ditetapkan oleh parti mengikut yang diputuskan oleh Mukhtar Tahunan parti apabila dan pada bila-bila masa ada usul yang demikian.

(2) Hak Ahli Bersekutu PAS ialah :

- (a) Memilih dan dipilih untuk memegang jawatan dalam Dewan Himpunan Pendukung PAS sebagaimana yang diperuntukkan dalam Fasal 60 dan 65 Perlembagaan PAS dan dilantik untuk

memegang jawatan sebagaimana yang diperuntukkan oleh Fasal 41 Perlembagaan PAS;

- (b) Mengundi dalam parti mengikut ketentuan-ketentuan yang terdapat di dalam Perlembagaan PAS serta Aturan dan Peraturannya;
 - (c) Menghadiri perhimpunan-perhimpunan dan rapat-rapat parti; dan
 - (d) Memberikan pendapat dan pandangan kepada parti.
- (3) (a) Setiap ahli berhak memohon berpindah Cawangan PAS dalam Kawasan PAS yang sama dan berkewajipan untuk mengemukakan satu permohonan bertulis untuk berpindah Cawangan dengan keterangan-keterangan yang perlu kepada Setiausaha PAS Kawasan setelah mendapat persetujuan PAS Cawangan yang baru. Setiausaha PAS Kawasan hendaklah mengemukakan permohonan itu kepada Jawatankuasa Kerja PAS Kawasan dengan seberapa segera yang boleh bagi menimbangkan permohonan yang berkenaan itu;
- (b) Setiap ahli yang berpindah Cawangan itu tidak berhak memilih dan dipilih untuk memegang mana-mana jawatan dalam Cawangan barunya melainkan setelah mendapat akuan kelulusan berpindah Cawangan dari Setiausaha PAS Kawasan.
- (4) (a) Setiap ahli berhak memohon berpindah Kawasan PAS dan berkewajipan untuk mengemukakan satu permohonan bertulis

untuk berpindah Kawasan dengan keterangan-keterangan yang perlu kepada Setiausaha Agung setelah mendapat persetujuan PAS Kawasan yang baru. Setiausaha Agung hendaklah mengemukakan permohonan itu kepada Jawatankuasa Harian PAS Pusat dengan seberapa segera yang boleh bagi menimbangkan permohonan yang berkenaan itu;

- (b) Setiap ahli yang berdaftar terus ke Pejabat Agung juga berhak memohon menjadi ahli sesebuah Kawasan PAS dengan memohon mengikut kaedah yang sama yang disebutkan dalam ceraiian (4)(a) Fasal ini;
- (c) Setiap ahli yang berpindah Kawasan itu tidak berhak memilih dan dipilih untuk memegang mana-mana jawatan sepertimana yang diperuntukkan dalam perlembagaan bagi Kawasan barunya melainkan setelah mendapat akuan kelulusan berpindah Kawasan dari Setiausaha Agung.

(5) Kewajipan-kewajipan ahli:

- (a) Menunaikan yuran dan lain-lain menurut keputusan parti dari semasa ke semasa;
- (b) Melaksanakan arahan-arahan dan keputusan-keputusan parti sama ada umum atau khusus;
- (c) Menghadiri mana-mana kursus-kursus, tamrin-tamrin atau perhimpunan-perhimpunan parti sebagaimana yang ditetapkan dan diarahkan;

- (d) Memperdalamkan ilmu pengetahuan khususnya tentang ajaran dan hukum-hukum Islam;
- (e) Memperkuat kedudukan dan menjaga kehormatan parti samada di dalam atau di luar negeri; dan
- (f) Pada amnya melaksanakan kehendak-kehendak Perlembagaan parti.

FASAL 17. Buku Daftar Ahli

- (1) Tiap-tiap Cawangan hendaklah mempunyai sebuah buku daftar ahli Cawangannya dengan membutirkan di dalamnya akan nama, alamat, nombor kad pengenalan, pekerjaan, nombor sijil ahli dan lain-lain syarat yang ditetapkan oleh Setiausaha Agung.
- (2) Pejabat Setiausaha PAS Kawasan hendaklah juga mempunyai sebuah buku daftar ahli dalam kawasannya dan ahli-ahli daripada Cawangan-cawangannya dengan membutirkan akan nama, alamat, nombor kad pengenalan, pekerjaan, nombor sijil ahli dan lain-lain syarat yang ditetapkan oleh Setiausaha Agung.
- (3) Pejabat Agung PAS hendaklah menyedia dan menyimpan buku-buku daftar besar ahli dengan membutirkan di dalamnya akan nama, alamat, kawasan, nombor kad pengenalan, pekerjaan dan lain-lain yang difikirkan patut oleh Setiausaha Agung.
- (4) Jawatankuasa Kerja PAS Pusat adalah berkuasa membuat sebarang Aturan dan Peraturan berkenaan dengan buku daftar ahli itu.

BAB YANG KELIMA

MUKTAMAR DAN MESYUARAT AGUNG

FASAL 18. Mukhtar PAS Pusat

- (1) Mukhtar PAS Pusat itu terbahagi kepada:
 - (a) Mukhtar Tahunan – Mukhtar Tahunan PAS Pusat itu hendaklah diadakan sekali dalam setahun pada bila-bila masa yang dikehendaki oleh Presiden atau dengan permintaan bersurat daripada sekurang-kurangnya lapan orang Ahli Jawatankuasa Kerja PAS Pusat atau daripada sekurang-kurangnya satu pertiga daripada bilangan ahli-ahli Mukhtar itu selain daripada Ahli Jawatankuasa Kerja PAS Pusat;
 - (b) Mukhtar Khas – Mukhtar Khas PAS Pusat bolehlah diadakan beberapa kali dalam setahun sekiranya dikehendaki oleh Presiden atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja PAS Pusat atau satu pertiga daripada PAS Kawasan-kawasan. Maka dalam Mukhtar Khas ini tidaklah boleh, dibincangkan apa-apa perkara selain daripada perkara yang kerananya Mukhtar itu diadakan.
- (2) Notis bagi mengadakan Mukhtar Tahunan dan Khas PAS Pusat hendaklah dihantar kepada para perwakilan tidak kurang 14 hari daripada tarikh mesyuarat hendak diadakan.
- (3) Mana-mana Mukhtar Tahunan PAS Pusat yang ada pemilihan, dengan sebab-sebab

tertentu bolehlah ditangguhkan agenda pemilihannya kepada Mukhtar tahun berikutnya oleh mesyuarat Jawatankuasa Kerja PAS Pusat dengan syarat ia dipersetujui oleh dua pertiga daripada ahlinya yang hadir.

- (4) Mukhtar Tahunan dan/atau Khas PAS Pusat itu adalah mengandungi ahli-ahli yang berikut:
 - (a) Pengerusi Tetap dan Timbalannya;
 - (b) Ahli-ahli Majlis Syura 'Ulamak dan Ahli-ahli Jawatankuasa Kerja PAS Pusat;
 - (c) Pesuruhjaya-pesuruhjaya PAS Negeri dan Wilayah Persekutuan;
 - (d) Yang Dipertua-Yang Dipertua PAS Kawasan, dan jika sekiranya dia tidak dapat hadir sendiri maka Timbalannya hendaklah menggantikannya dan jika sekiranya kedua-duanya tidak dapat hadir, maka seorang Ahli Jawatankuasa Kerja Kawasan itu diwakili dengan bersurat oleh Yang Dipertua PAS Kawasan itu;
 - (e) Tidak lebih dari lima belas orang wakil daripada dan diangkat oleh Mesyuarat Agung Tahunan tiap-tiap Kawasan yang telah menunaikan yuran tahunannya bagi tahun itu ke Pejabat Agung dengan tertakluk kepada cerai (3) Fasal ini;
 - (f) Dua puluh orang wakil daripada dan diangkat oleh Mukhtar Dewan Ulamak PAS Pusat;

- (g) Dua puluh orang wakil daripada dan diangkat oleh Mukhtar Dewan Pemuda PAS Pusat;
 - (h) Dua puluh orang wakil daripada dan diangkat oleh Mukhtar Dewan Muslimat PAS Pusat;
 - (i) Dua puluh orang wakil daripada dan diangkat oleh Mukhtar Dewan as-Sabiqun PAS Pusat; dan
 - (j) Dua puluh orang wakil daripada dan diangkat oleh Perhimpunan Dewan Himpanan Pendukung PAS Pusat.
- (5) Tiap-tiap sebuah Kawasan berhak mengangkat empat orang wakil kepada mana-mana Mukhtar PAS Pusat jika bilangan Ahli PAS yang berdaftar dalam Kawasan itu berjumlah kurang dari dua ribu orang.

Adapun sesebuah Kawasan yang mempunyai bilangan Ahli PAS yang berdaftar melebihi dua ribu orang berhak menambah wakil-wakilnya ke Mukhtar PAS dengan kadar seorang wakil lagi bagi setiap pertambahan seribu orang ahli yang berdaftar dengan tidak melebihi lima belas orang wakil semuanya.

- (6) Pengerusi bagi Mukhtar PAS Pusat itu ialah Pengerusi Tetap dan/atau Timbalannya yang dipilih akan dia dalam Mukhtar Tahunan PAS Pusat yang terakhir. Mereka akan memegang jawatan tersebut selama dua tahun, atau sehingga kepada Mukhtar Tahunan PAS Pusat yang ada pemilihannya.

- (7) Dengan dikecualikan ceraian (4)(b) dan (c) Fasal ini, maka satu perdua daripada ahli-ahli Mukhtar itu hadir adalah menjadi cukup bilang bagi menjalankan Mukhtar Tahunan dan/atau Khas itu.

FASAL 19. Mesyuarat Agung PAS Kawasan

- (1) Adapun gerakan dan pentadbiran sebuah kawasan PAS itu adalah dijalankan oleh Jawatankuasa Kerja PAS Kawasan itu di bawah kekuasaan Majlis Mesyuarat Agung PAS Kawasan itu. Akan tetapi Majlis Mesyuarat Agung itu sendiri adalah tertakluk di bawah syarat-syarat yang terkandung di dalam Perlembagaan PAS dan juga Aturan dan Peraturan mesyuarat kawasan itu.
- (2) (a) Sesebuah Kawasan hendaklah mengadakan Majlis Mesyuarat Agung Tahunannya sekali dalam setahun sebelum daripada berlangsungnya Mukhtar Tahunan PAS Pusat, atau pada bila-bila masa yang dikehendaki oleh Yang Dipertua kawasan itu ataupun dengan permintaan bersurat daripada sekurang-kurangnya satu pertiga daripada ahli Jawatankuasa Kerja PAS Kawasan itu.
- (b) Mesyuarat Agung Khas Kawasan bolehlah diadakan pada bila-bila masapun jika dikehendaki oleh Yang Dipertua Kawasan itu, atau dengan kehendak, sekurang-kurangnya satu pertiga daripada jumlah Cawangan-cawangan atau daripada ahli-ahli Kawasan itu. Maka dalam Mesyuarat Agung Khas ini tidaklah boleh dibincangkan apa-apa selain daripada perkara yang kerananya Mesyuarat Agung Khas itu diadakan.

- (3) Notis Mesyuarat Agung Tahunan kawasan dan Mesyuarat Agung Khas Kawasan hendaklah dihantar kepada perwakilan tidak kurang 14 hari dari tarikh mesyuarat hendak diadakan.
- (4) Ahli-ahli bagi Mesyuarat Agung Tahunan/Khas PAS Kawasan itu adalah mengandungi:
 - (a) Pengerusi Tetap dan Timbalannya.
 - (b) Jawatankuasa Kerja PAS Kawasan itu.
 - (c) Ketua-ketua Cawangan PAS dalam Kawasan itu, dan jika sekiranya dia tidak dapat hadir secara sendirinya atau sebagai ketua PAS Cawangan maka hendaklah digantikan oleh naib ketuanya dan sekiranya kedua-duanya tidak dapat hadir, maka seorang Ahli Jawatankuasa Kerja Cawangan itu diwakili dengan bersurat oleh Ketua Cawangan itu.
 - (d) Wakil-wakil daripada dan diangkat oleh Cawangan-cawangan dalam Mesyuarat Agungnya sebanyak mana yang ditetapkan oleh Jawatankuasa Kerja Kawasan itu, dan
 - (e) Lima belas orang wakil dari Dewan Ulamak PAS, lima belas orang wakil dari Dewan Pemuda PAS dan lima belas orang wakil dari Dewan Muslimat PAS Kawasan yang diangkat dan dilantik oleh Mesyuarat Agung Dewan 'Ulamak, Dewan Pemuda PAS dan Dewan Muslimat PAS Kawasan itu.
- (5) Dengan dikecualikan cerai (3)(b) Fasal ini, maka cukup bilang bagi menjalankan Mesyuarat

Agung PAS Kawasan itu hendaklah satu pertiga daripada ahli-ahli mesyuarat agung itu hadir.

- (6) Pengerusi Mesyuarat Agung itu ialah Pengerusi Tetap PAS Kawasan atau Timbalannya yang dipilih pada tiap-tiap dua tahun atau pada Mesyuarat Agung Tahunan Kawasan yang ada pemilihannya daripada kalangan ahli-ahli PAS Kawasan itu dan tidaklah boleh menjawat jawatan lain dalam PAS Kawasan yang memilih dan melantiknya.
- (7) Mesyuarat Agung Tahunan PAS Kawasan hendaklah mengangkat tidak lebih 15 orang wakil ke Muktamar Tahunan PAS Pusat mengikut kaedah yang ditetapkan oleh Fasal 18(5) Perlembagaan ini.
- (8) Segala keputusan Mesyuarat Agung itu hendaklah dihantar ke Pejabat Perhubungan PAS Negeri/Wilayah dan Pejabat Agung PAS untuk pengetahuannya.

FASAL 20. Mesyuarat Agung PAS Cawangan

- (1) Sesebuah Cawangan itu hendaklah mengadakan Mesyuarat Agung Tahunannya sekali dalam setahun, seboleh-bolehnya hendaklah sebelum berlangsungnya Majlis Mesyuarat Agung Tahunan PAS Kawasan.
- (2) Mesyuarat Agung Khas bolehlah diadakan pada bila-bila masa yang dikehendaki oleh Ketua Cawangan itu atau dengan kehendak sekurang-kurangnya satu perempat daripada jumlah ahli dalam Cawangan itu termasuk Ahli-ahli Jawatankuasa Kerjanya.

- (3) Notis Mesyuarat Agung Tahunan Cawangan dan Mesyuarat Agung Khas Cawangan hendaklah dihantar kepada ahli tidak kurang 14 hari dari tarikh mesyuarat hendak diadakan.
- (4) Ahli-ahli bagi Mesyuarat Agung PAS Cawangan itu ialah:
 - (a) Pengerusi Tetap dan Timbalannya.
 - (b) Ahli Jawatankuasa Kerja PAS Cawangan.
 - (c) Ahli-ahli PAS dalam Cawangan itu.
- (5) Satu pertiga daripada ahli-ahli di atas termasuk Jawatankuasa Kerja Cawangan itu hadir adalah menjadi cukup bilang bagi menjalankan Mesyuarat Agung itu.
- (6) Pengerusi bagi Mesyuarat Agung itu ialah Pengerusi Tetap atau Timbalannya yang dipilih pada tiap-tiap dua tahun sekali atau pada Mesyuarat Agung Tahunan PAS Cawangan yang ada pemilihannya daripada kalangan ahli-ahli PAS Cawangan itu dan tidaklah boleh menjawat jawatan lain dalam PAS Cawangan yang memilih dan melantiknya.
- (7) Mesyuarat Agung Tahunan PAS Cawangan hendaklah mengangkat sejumlah wakil mengikut yang ditetapkan oleh PAS Kawasan ke Mesyuarat Agung Tahunan PAS Kawasan.
- (8) Segala perkara yang diputuskan dan yang berbangkit di dalam Mesyuarat Agung itu hendaklah dimaklumkan kepada PAS Kawasan dan Perhubungan PAS Negeri.

FASAL 21. Muktamar Dewan 'Ulamak PAS Pusat

- (1) Muktamar Tahunan Dewan 'Ulamak PAS Pusat hendaklah diadakan sekali dalam setahun pada mana-mana masa atau tarikh yang terdahulu sedikit daripada Muktamar Tahunan PAS Pusat, atau pada bila-bila jua masa yang ditetapkan oleh Jawatankuasa Kerja Dewan 'Ulamak PAS Pusat.
- (2) Muktamar Khas Dewan 'Ulamak PAS Pusat bolehlah diadakan beberapa kali dalam setahun sekiranya dikehendaki oleh Ketua Dewan 'Ulamak PAS Pusat atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan 'Ulamak PAS Pusat atau satu pertiga daripada Dewan 'Ulamak PAS Kawasan. Maka Muktamar Khas ini tidaklah boleh dibincangkan apa-apa perkara selain daripada perkara yang kerananya Muktamar itu diadakan.
- (3) Notis bagi mengadakan Muktamar Tahunan dan Khas Dewan 'Ulamak PAS Pusat hendaklah dihantar kepada perwakilan tidak kurang 14 hari daripada tarikh muktamar hendak diadakan.
- (4) Ahli-ahli bagi Muktamar Tahunan Dewan 'Ulamak PAS Pusat itu ialah:
 - (a) Pengerusi Tetap dan Timbalannya.
 - (b) Ahli-ahli Jawatankuasa Kerja Dewan 'Ulamak PAS Pusat.
 - (c) Ketua-ketua Dewan 'Ulamak PAS Negeri atau Timbalannya atau Naibnya dengan kebenaran bersurat jika Ketua atau Timbalan berhalangan.

- (d) Ketua Dewan 'Ulamak Kawasan atau Timbalannya atau Naibnya dengan kebenaran bersurat jika Ketuanya atau Timbalan Ketuanya berhalangan.
 - (e) Tidak lebih daripada tiga orang wakil yang dipilih dan diangkat oleh Mesyuarat Agung Tahunan Dewan 'Ulamak PAS Kawasan.
- (5) Cukup bilang bagi menjalankan Mukhtar itu ialah satu perdua daripada ahli-ahlinya yang di atas hadir.
 - (6) Pengerusi bagi Mukhtar Dewan 'Ulamak PAS Pusat itu ialah Pengerusi Tetap dan/atau Timbalannya yang dipilih dalam Mukhtar Tahunan Dewan 'Ulamak PAS Pusat yang terakhir daripada kalangan ahli-ahli Dewan 'Ulamak PAS . Mereka akan memegang jawatan tersebut selama dua tahun atau sehingga kepada Mukhtar Tahunan Dewan 'Ulamak PAS Pusat yang ada pemilihannya dan tidaklah boleh menjawat jawatan lain dalam Dewan 'Ulamak PAS Pusat.
 - (7) Mukhtar Tahunan Dewan 'Ulamak PAS Pusat berkuasa mengangkat 20 wakil ke Mukhtar Tahunan PAS Pusat mengikut Fasal 18(2)(f).

FASAL 22. Mukhtar Dewan Pemuda PAS Pusat

- (1) Mukhtar Tahunan Dewan Pemuda PAS Pusat hendaklah diadakan sekali dalam setahun pada mana-mana tarikh yang terdahulu sedikit dari tarikh Mukhtar Tahunan PAS Pusat, atau pada bila-bila masa yang ditetapkan oleh Jawatankuasa Kerja Dewan Pemuda PAS Pusat.

- (2) Mukhtamar Khas Dewan Pemuda PAS Pusat bolehlah diadakan beberapa kali dalam setahun sekiranya dikehendaki oleh Ketua Dewan Pemuda PAS Pusat atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan Pemuda PAS Pusat atau satu pertiga daripada Dewan Pemuda PAS Kawasan. Maka Mukhtamar Khas ini tidaklah boleh dibincangkan apa-apa perkara selain daripada perkara yang kerananya Mukhtamar itu diadakan.
- (3) Notis bagi mengadakan Mukhtamar Tahunan dan Khas Dewan Pemuda PAS Pusat hendaklah dihantar kepada perwakilan tidak kurang 14 hari daripada tarikh mukhtamar hendak diadakan.
- (4) Ahli-ahli bagi Mukhtamar Tahunan Dewan Pemuda itu ialah:
 - (a) Pengerusi Tetap dan Timbalannya.
 - (b) Jawatankuasa Kerja Dewan Pemuda PAS Pusat.
 - (c) Ketua-ketua Dewan Pemuda PAS Negeri atau Timbalannya atau naibnya dengan kebenaran bersurat jika Ketuanya atau Timbalan Ketuanya berhalangan.
 - (d) Ketua Dewan Pemuda PAS Kawasan atau timbalannya atau naibnya dengan kebenaran bersurat jika ketuanya atau timbalan ketuanya berhalangan.
 - (e) Tidak lebih tiga orang wakil yang dipilih dan diangkat oleh Mesyuarat Agung Tahunan Dewan Pemuda PAS Kawasan.

- (5) Cukup bilang bagi menjalankan Muktamar itu ialah satu perdua daripada ahli-ahlinya yang di atas hadir.
- (6) Pengerusi bagi Muktamar itu ialah Pengerusi Tetap atau Timbalan Pengerusi Tetapnya yang dipilih dalam Muktamar Tahunan Dewan Pemuda PAS Pusat yang terakhir daripada kalangan ahli-ahli Dewan Pemuda PAS. Mereka akan memegang jawatan tersebut selama dua tahun atau sehingga kepada Muktamar Tahunan Dewan Pemuda PAS Pusat yang ada pemilihannya dan tidaklah boleh menjawat jawatan lain dalam Dewan Pemuda PAS Pusat.
- (7) Muktamar Tahunan Dewan Pemuda PAS Pusat berkuasa mengangkat 20 wakil ke Muktamar Tahunan PAS Pusat mengikut Fasal 18(2)(g).

FASAL 23. Muktamar Dewan Muslimat PAS Pusat

- (1) Muktamar Tahunan Dewan Muslimat PAS Pusat hendaklah diadakan sekali dalam setahun pada mana-mana tarikh yang terdahulu sedikit dari tarikh Muktamar Tahunan PAS Pusat, atau pada bila-bila masa yang ditetapkan oleh Jawatankuasa Kerja Dewan Muslimat PAS Pusat.
- (2) Muktamar Khas Dewan Muslimat PAS Pusat bolehlah diadakan beberapa kali dalam setahun sekiranya dikehendaki oleh Ketua Dewan Muslimat PAS Pusat atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan Muslimat PAS Pusat atau satu pertiga daripada Dewan Muslimat PAS Kawasan. Maka

Muktamar Khas ini tidaklah boleh dibincangkan apa-apa perkara selain daripada perkara yang kerananya Muktamar itu diadakan.

- (3) Notis bagi mengadakan Muktamar Tahunan dan Khas Dewan Muslimat PAS Pusat hendaklah dihantar kepada perwakilan tidak kurang 14 hari daripada tarikh muktamar hendak diadakan.
- (4) Ahli-ahli bagi Muktamar Tahunan Dewan Muslimat itu ialah:
 - (a) Pengerusi Tetap dan Timbalannya.
 - (b) Jawatankuasa Kerja Dewan Muslimat PAS Pusat.
 - (c) Ketua-ketua Dewan Muslimat PAS Negeri atau Timbalannya atau naibnya dengan kebenaran bersurat jika Ketuanya atau Timbalan Ketuanya berhalangan.
 - (d) Ketua Dewan Muslimat PAS Kawasan atau timbalannya atau naibnya dengan kebenaran bersurat jika ketuanya atau timbalan ketuanya berhalangan.
 - (e) Tidak lebih tiga orang wakil yang dipilih dan diangkat oleh Mesyuarat Agung Tahunan Dewan Muslimat PAS Kawasan.
- (5) Cukup bilang bagi menjalankan Muktamar itu ialah satu perdua daripada ahli-ahlinya yang di atas hadir.
- (6) Pengerusi bagi Muktamar itu ialah Pengerusi Tetap atau Timbalan Pengerusi Tetapnya yang dipilih akan dia dalam Muktamar Tahunan Dewan Muslimat PAS Pusat yang terakhir daripada kalangan ahli-ahli Dewan Muslimat

PAS. Mereka akan memegang jawatan tersebut selama dua tahun atau sehingga kepada Mukhtar Tahunan Dewan Muslimat PAS Pusat yang ada pemilihannya dan tidaklah boleh menjawat jawatan lain dalam Dewan Muslimat PAS Pusat.

- (7) Mukhtar Tahunan Dewan Muslimat PAS Pusat berkuasa mengangkat 20 wakil ke Mukhtar Tahunan PAS Pusat mengikut Fasal 18(2)(h).

FASAL 24. Mukhtar Dewan As-Sabiqun PAS Pusat

- (1) Mukhtar Dewan As-Sabiqun PAS Pusat hendaklah diadakan sekali dalam setahun, pada mana-mana tarikh yang terdahulu sedikit dari tarikh Mukhtar Tahunan PAS, atau pada bila-bila masa yang ditetapkan oleh Jawatankuasa Kerja Dewan As-Sabiqun PAS Pusat.
- (2) Mukhtar Khas Dewan As-Sabiqun PAS Pusat bolehlah diadakan beberapa kali dalam setahun sekiranya dikehendaki oleh Ketua Dewan As-Sabiqun PAS Pusat atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan As-Sabiqun PAS Pusat atau satu pertiga daripada Dewan As-Sabiqun PAS Kawasan. Maka Mukhtar Khas ini tidaklah boleh dibincangkan apa-apa perkara selain daripada perkara yang kerananya Mukhtar itu diadakan.
- (3) Notis bagi mengadakan Mukhtar Tahunan dan Khas Dewan As-Sabiqun PAS Pusat hendaklah dihantar kepada perwakilan tidak kurang 14 hari daripada tarikh mukhtar hendak diadakan.

- (4) Ahli-ahli bagi Mukhtamar Tahunan Dewan As-Sabiqun itu ialah:
- (a) Pengerusi Tetap dan Timbalannya.
 - (b) Jawatankuasa Kerja Dewan As-Sabiqun PAS Pusat.
 - (c) Ketua-ketua Dewan As-Sabiqun PAS Negeri atau Timbalannya atau Naibnya dengan kebenaran bersurat jika Ketuanya atau Timbalan Ketuanya berhalangan.
 - (d) Lima belas orang wakil yang dipilih dan diangkat oleh Mukhtamar Tahunan Dewan As-Sabiqun PAS Negeri.
 - (e) Ketua Urusan As-Sabiqun PAS Kawasan.
- (5) Cukup bilang bagi menjalankan Mukhtamar itu ialah satu perdua daripada ahli-ahlinya yang di atas hadir.
- (6) Pengerusi bagi Mukhtamar itu ialah Pengerusi Tetap atau Timbalan Pengerusi Tetap yang dipilih akan dia dalam Mukhtamar Tahunan Dewan As-Sabiqun PAS Pusat yang terakhir daripada kalangan ahli-ahli Dewan As-Sabiqun PAS. Mereka akan memegang jawatan tersebut selama dua tahun atau sehingga kepada Mukhtamar Tahunan Dewan As-Sabiqun PAS Pusat yang ada pemilihannya dan tidaklah boleh menjawat jawatan lain dalam Dewan As-Sabiqun PAS Pusat.
- (7) Mukhtamar Tahunan Dewan As-Sabiqun PAS Pusat berkuasa mengangkat 20 wakil ke Mukhtamar Tahunan PAS Pusat mengikut Fasal 18(2)(i).

FASAL 25. Perhimpunan Dewan Himpunan Pendukung PAS Pusat

- (1) Perhimpunan Dewan Himpunan Pendukung PAS Pusat hendaklah diadakan sekali dalam setahun, pada mana-mana tarikh yang terdahulu sedikit dari tarikh Muktamar Tahunan PAS Pusat, atau pada bila-bila masa yang ditetapkan oleh Jawatankuasa Kerja Dewan Himpunan Pendukung PAS Pusat.
- (2) Perhimpunan Khas Dewan Himpunan Pendukung PAS Pusat bolehlah diadakan beberapa kali dalam setahun sekiranya dikehendaki oleh Ketua Dewan Himpunan Pendukung PAS Pusat atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan Himpunan Pendukung PAS Pusat atau satu pertiga daripada Dewan Himpunan Pendukung PAS Kawasan. Maka Muktamar Khas ini tidaklah boleh dibincangkan apa-apa perkara selain daripada perkara yang kerananya Muktamar itu diadakan.
- (3) Notis bagi mengadakan Perhimpunan Tahunan dan Khas Dewan Himpunan Pendukung PAS Pusat hendaklah dihantar kepada perwakilan tidak kurang 14 hari daripada tarikh muktamar hendak diadakan.
- (4) Ahli-ahli bagi Perhimpunan Tahunan Dewan Himpunan Pendukung itu ialah:
 - (a) Pengerusi Tetap dan Timbalannya.
 - (b) Jawatankuasa Kerja Dewan Himpunan Pendukung PAS Pusat.

- (c) Ketua-ketua Dewan Himpunan Pendukung PAS Negeri atau Timbalannya atau naibnya dengan kebenaran bersurat jika Ketuanya atau Timbalan Ketuanya berhalangan.
 - (d) Lima belas orang wakil yang dipilih dan diangkat oleh Muktamar Tahunan Dewan Himpunan Pendukung PAS Negeri.
 - (e) Ketua Urusan Himpunan Pendukung PAS Kawasan.
- (5) Cukup bilang bagi menjalankan Muktamar itu ialah satu perdua daripada ahli-ahlinya yang di atas hadir.
- (6) Pengerusi bagi Perhimpunan itu ialah Pengerusi Tetap atau Timbalan Pengerusi Tetap yang dipilih akan dia dalam Perhimpunan Tahunan Dewan Himpunan Pendukung PAS Pusat yang terakhir daripada kalangan ahli-ahli Dewan Himpunan Pendukung PAS. Mereka akan memegang jawatan tersebut selama dua tahun atau sehingga kepada Perhimpunan Tahunan Dewan Himpunan Pendukung PAS Pusat yang ada pemilihannya dan tidaklah boleh menjawat jawatan lain dalam Dewan Himpunan Pendukung PAS Pusat.
- (7) Perhimpunan Tahunan Dewan Himpunan Pendukung PAS Pusat berkuasa mengangkat 20 wakil ke Muktamar Tahunan PAS Pusat mengikut Fasal 18(2)(j).

FASAL 26. Muktamar Dewan Ulamak PAS Negeri

- (1) Dewan 'Ulamak PAS Negeri hendaklah mengadakan Muktamarnya sekali dalam

setahun sebelum daripada berlangsungnya Muktamar Tahunan Dewan 'Ulamak PAS Pusat atau pada bila-bila masa yang ditetapkan oleh Jawatankuasa Kerja Dewan 'Ulamak PAS Negeri itu.

- (2) Muktamar Khas Dewan 'Ulamak PAS Negeri bolehlah diadakan beberapa kali dalam setahun sekiranya dikehendaki oleh Ketua Dewan 'Ulamak PAS Negeri atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan 'Ulamak PAS Negeri atau satu pertiga daripada Dewan 'Ulamak PAS Kawasan dalam negeri itu. Maka Muktamar Khas ini tidaklah boleh dibincangkan apa-apa perkara selain daripada perkara yang kerananya Muktamar itu diadakan.
- (3) Notis bagi mengadakan Muktamar Tahunan dan Khas Dewan 'Ulamak PAS Negeri hendaklah dihantar kepada perwakilan tidak kurang 14 hari daripada tarikh muktamar hendak diadakan
- (4) Ahli-ahli bagi Muktamar Tahunan Dewan 'Ulamak PAS Negeri itu ialah:
 - (a) Pengerusi Tetap dan Timbalannya.
 - (b) Jawatankuasa Kerja Dewan 'Ulamak PAS Negeri
 - (c) Ketua Dewan 'Ulamak PAS Kawasan atau Timbalannya atau Naibnya dengan kebenaran secara bersurat jika Ketua dan Timbalannya berhalangan.

- (d) Tidak lebih daripada tujuh orang wakil yang dipilih dan diangkat oleh Mesyuarat Agung Dewan 'Ulamak PAS Kawasan.
- (5) Cukup bilang bagi menjalankan Muktamar itu ialah satu perdua daripada ahli-ahli Muktamar itu hadir.
- (6) Pengerusi bagi Muktamar Dewan 'Ulamak PAS Negeri itu ialah Pengerusi Tetap atau Timbalannya yang dipilih pada tiap-tiap dua tahun sekali atau pada mana-mana Muktamar Tahunan Dewan 'Ulamak Negeri yang ada pemilihannya, daripada kalangan ahli-ahli Dewan 'Ulamak PAS dalam negeri itu dan tidaklah boleh menjawat jawatan lain dalam peringkat Dewan 'Ulamak Negeri tersebut.

FASAL 27. Muktamar Dewan Pemuda PAS Negeri

- (1) Dewan Pemuda PAS Negeri hendaklah mengadakan Muktamar Tahunan sekali dalam setahun sebelum daripada berlangsungnya Muktamar Dewan Pemuda PAS Pusat, atau pada bila-bila masa yang ditetapkan oleh Jawatankuasa Kerja Dewan Pemuda PAS Negeri itu.
- (2) Muktamar Khas Dewan Pemuda PAS Negeri bolehlah diadakan beberapa kali dalam setahun sekiranya dikehendaki oleh Ketua Dewan Pemuda PAS Negeri atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan Pemuda PAS Negeri atau satu pertiga daripada Dewan Pemuda PAS Kawasan dalam negeri itu. Maka Muktamar Khas ini tidaklah boleh dibincangkan apa-apa perkara selain

daripada perkara yang kerananya Muktamar itu diadakan.

- (3) Notis bagi mengadakan Muktamar Tahunan dan Khas Dewan Pemuda PAS Negeri hendaklah dihantar kepada perwakilan tidak kurang 14 hari daripada tarikh muktamar hendak diadakan.
- (4) Ahli bagi Muktamar Tahunan/Khas Dewan Pemuda PAS Negeri itu ialah:
 - (a) Pengerusi Tetap dan Timbalannya.
 - (b) Jawatankuasa Kerja Dewan Pemuda PAS Negeri.
 - (c) Ketua Dewan Pemuda PAS Kawasan atau Timbalannya atau Naibnya jika Ketua dan Timbalannya itu berhalangan.
 - (d) Tidak lebih dari tujuh orang wakil Dewan Pemuda PAS Kawasan yang diangkat dan dilantik oleh Mesyuarat Agung Dewan Pemuda PAS Kawasan.
- (5) Cukup bilang bagi menjalankan Muktamar itu ialah satu perdua daripada ahli-ahli Muktamar itu hadir.
- (6) Pengerusi bagi Muktamar Dewan Pemuda PAS Negeri itu ialah Pengerusi Tetap atau Timbalannya yang dipilih pada tiap-tiap dua tahun sekali atau pada mana-mana Muktamar Tahunan Dewan Pemuda PAS Negeri yang ada pemilihannya, daripada kalangan ahli-ahli Dewan Pemuda PAS dalam negeri itu dan tidaklah boleh menjawat jawatan lain dalam peringkat Dewan Pemuda PAS Negeri tersebut.

FASAL 28. Muktamar Dewan Muslimat PAS Negeri

- (1) Dewan Muslimat PAS Negeri hendaklah mengadakan Muktamar Tahunannya sekali dalam setahun sebelum daripada berlangsungnya Muktamar Dewan Muslimat PAS Pusat, atau pada bila-bila masa yang ditetapkan oleh Jawatankuasa Kerja Dewan itu.
- (2) Muktamar Khas Dewan Muslimat PAS Negeri bolehlah diadakan beberapa kali dalam setahun sekiranya dikehendaki oleh Ketua Dewan Muslimat PAS Negeri atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan Muslimat PAS Negeri atau satu pertiga daripada Dewan Muslimat PAS Kawasan dalam negeri itu. Maka Muktamar Khas ini tidaklah boleh dibincangkan apa-apa perkara selain daripada perkara yang kerananya Muktamar itu diadakan.
- (3) Notis bagi mengadakan Muktamar Tahunan dan Khas Dewan Muslimat PAS Negeri hendaklah dihantar kepada perwakilan tidak kurang 14 hari daripada tarikh muktamar hendak diadakan
- (4) Ahli bagi Muktamar Tahunan/Khas Dewan Muslimat PAS Negeri itu ialah:
 - (a) Pengerusi Tetap dan Timbalannya.
 - (b) Jawatankuasa Kerja Dewan Muslimat PAS Negeri.
 - (c) Ketua-ketua Dewan Muslimat PAS Kawasan atau Timbalannya atau Naibnya jika Ketua dan Timbalannya berhalangan.

- (d) Tidak lebih dari tujuh orang wakil yang dipilih dan diangkat oleh Mesyuarat Agung Tahunan Dewan Muslimat PAS Kawasan.
- (5) Cukup bilang bagi menjalankan Muktamar Dewan Muslimat PAS Negeri itu ialah satu perdua daripada ahli-ahlinya yang di atas hadir.
- (6) Pengerusi bagi Muktamar itu ialah Pengerusi Tetap atau Timbalannya yang dipilih pada tiap-tiap dua tahun sekali, atau pada mana-mana Muktamar Tahunan Dewan itu yang ada pemilihannya daripada kalangan ahli-ahli Dewan Muslimat PAS dalam negeri itu dan tidaklah boleh menjawat jawatan lain dalam peringkat PAS yang memilih dan melantiknya.

FASAL 29. Muktamar Dewan As-Sabiqun PAS Negeri

- (1) Dewan As-Sabiqun PAS Negeri hendaklah mengadakan Muktamar Tahunannya sekali dalam setahun sebelum daripada berlangsungnya Muktamar Dewan As-Sabiqun PAS Pusat, atau pada bila-bila masa yang ditetapkan oleh Jawatankuasa Kerja Dewan itu.
- (2) Muktamar Khas Dewan As-Sabiqun PAS Negeri bolehlah diadakan beberapa kali dalam setahun sekiranya dikehendaki oleh Ketua Dewan As-Sabiqun PAS Negeri atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan As-Sabiqun PAS Negeri. Maka Muktamar Khas ini tidaklah boleh dibincangkan apa-apa perkara selain daripada perkara yang kerananya Muktamar itu diadakan.

- (3) Notis bagi mengadakan Mukhtamar Tahunan dan Khas Dewan As-Sabiqun PAS Negeri hendaklah dihantar kepada perwakilan tidak kurang 14 hari daripada tarikh muktamar hendak diadakan
- (4) Ahli bagi Mukhtamar Tahunan/Khas Dewan As-Sabiqun PAS Negeri itu ialah:
 - (a) Pengerusi Tetap dan Timbalannya.
 - (b) Jawatankuasa Kerja Dewan As-Sabiqun PAS Negeri.
 - (c) Ketua Urusan As-Sabiqun PAS Kawasan.
 - (d) Tidak lebih daripada tujuh orang wakil yang dipilih dan diangkat oleh Ketua Urusan As-Sabiqun PAS Kawasan di dalam dan dengan persetujuan Mesyuarat Jawatankuasa Kerja PAS Kawasan.
- (5) Cukup bilang bagi menjalankan Mukhtamar Dewan As-Sabiqun PAS Negeri itu ialah satu pertiga daripada ahli-ahlinya yang di atas hadir.
- (6) Pengerusi bagi Mukhtamar itu ialah Pengerusi Tetap atau Timbalannya yang dipilih pada tiap-tiap dua tahun sekali, atau pada mana-mana Mukhtamar Tahunan Dewan itu yang ada pemilihannya daripada kalangan ahli-ahli Dewan As-Sabiqun PAS dalam negeri itu dan tidaklah boleh menjawat jawatan lain dalam peringkat PAS yang memilih dan melantiknya.
- (7) Mukhtamar Dewan As-Sabiqun PAS Negeri berkuasa mengangkat lima belas orang wakil ke Mukhtamar Tahunan Dewan As-Sabiqun PAS Pusat mengikut Fasal 25 (4)(d).

FASAL 30. Perhimpunan Dewan Himpunan Pendukung PAS Negeri

- (1) Dewan Himpunan Pendukung PAS Negeri hendaklah mengadakan Perhimpunan Tahunannya sekali dalam setahun sebelum daripada berlangsungnya Perhimpunan Dewan Himpunan Pendukung PAS Pusat, atau pada bila-bila masa yang ditetapkan oleh Jawatankuasa Kerja Dewan itu.
- (2) Perhimpunan Khas Dewan Himpunan Pendukung PAS Negeri bolehlah diadakan beberapa kali dalam setahun sekiranya dikehendaki oleh Ketua Dewan Himpunan Pendukung PAS Negeri atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan Himpunan Pendukung PAS Negeri. Maka Perhimpunan Khas ini tidaklah boleh dibincangkan apa-apa perkara selain daripada perkara yang kerananya Perhimpunan itu diadakan.
- (3) Notis bagi mengadakan Perhimpunan Tahunan dan Khas Dewan Himpunan Pendukung PAS Negeri hendaklah dihantar kepada perwakilan tidak kurang 14 hari daripada tarikh Perhimpunan hendak diadakan.
- (4) Ahli bagi Perhimpunan Tahunan/Khas Dewan Himpunan Pendukung PAS Negeri itu ialah:
 - (a) Pengerusi Tetap dan Timbalannya.
 - (b) Jawatankuasa Kerja Dewan Himpunan Pendukung PAS Negeri.

- (c) Ketua Urusan Himpunan Pendukung PAS Kawasan.
 - (d) Tidak lebih daripada tujuh orang wakil dari kalangan Ahli-ahli Bersekutu PAS dalam kawasan itu yang dipilih dan diangkat oleh Ketua Urusan Himpunan Pendukung PAS Kawasan di dalam dan dengan persetujuan Mesyuarat Jawatankuasa Kerja PAS Kawasan.
- (5) Cukup bilang bagi menjalankan Perhimpunan Dewan Himpunan Pendukung PAS Negeri itu ialah satu pertiga daripada ahli-ahlinya yang di atas hadir.
- (6) Pengerusi bagi Perhimpunan itu ialah Pengerusi Tetap atau Timbalannya yang dipilih pada tiap-tiap dua tahun sekali, atau pada mana-mana Perhimpunan Tahunan Dewan itu yang ada pemilihannya daripada kalangan ahli-ahli Dewan Himpunan Pendukung PAS dalam negeri itu dan tidaklah boleh menjawat jawatan lain dalam peringkat Dewan Himpunan Pendukung PAS yang memilih dan melantiknya.
- (7) Perhimpunan Dewan Himpunan Pendukung PAS Negeri berkuasa mengangkat lima belas orang wakil ke Perhimpunan Tahunan Dewan Himpunan Pendukung PAS Pusat mengikut Fasal 25(4)(d).

FASAL 31. Mesyuarat Agung Dewan Ulamak PAS Kawasan

- (1) Dewan 'Ulamak PAS Kawasan hendaklah mengadakan Mesyuarat Agung Tahunannya sekali dalam setahun sebelum daripada berlangsungnya Mesyuarat Agung PAS

Kawasan dan Muktamar Dewan 'Ulamak PAS Negeri, atau pada bila-bila masa yang ditetapkan oleh Jawatankuasa Kerja Dewan 'Ulamak PAS Kawasan itu.

- (2) Mesyuarat Agung Khas Dewan 'Ulamak PAS Kawasan bolehlah diadakan beberapa kali dalam setahun sekiranya dikehendaki oleh Ketua Dewan 'Ulamak PAS Kawasan atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan 'Ulamak PAS Kawasan atau satu pertiga daripada ahli-ahli 'ulamak dalam Kawasan itu. Maka Mesyuarat Agung Khas ini tidaklah boleh dibincangkan apa-apa perkara selain daripada perkara yang kerananya Mesyuarat Agung itu diadakan.
- (3) Notis bagi mengadakan Mesyuarat Agung Tahunan dan Khas Dewan Ulamak PAS Kawasan hendaklah dihantar kepada ahli-ahli Dewan Ulamak PAS Kawasan tidak kurang 14 hari daripada tarikh mesyuarat agung hendak diadakan.
- (4) Ahli bagi Mesyuarat Agung Tahunan/Khas Dewan 'Ulamak PAS Kawasan itu ialah:
 - (a) Pengerusi Tetap dan Timbalannya.
 - (b) Jawatankuasa Kerja Dewan 'Ulamak PAS Kawasan.
 - (c) 'Ulamak-'ulamak yang telah menjadi Ahli PAS di dalam kawasan itu dan telah disahkan sebagai ahli Dewan 'Ulamak PAS berdasarkan Fasal 56(2) Perlembagaan ini.

- (5) Cukup bilang bagi menjalankan Mesyuarat Agung Dewan 'Ulamak PAS Kawasan itu ialah satu pertiga daripada ahli-ahli yang di atas hadir.
- (6) Pengerusi bagi Mesyuarat Agung Dewan 'Ulamak PAS Kawasan itu ialah Pengerusi Tetap atau Timbalannya yang dipilih di dalam Mesyuarat Agung Tahunan pada tiap-tiap dua tahun sekali atau pada mana-mana Mesyuarat Agung Tahunan yang ada pemilihannya daripada kalangan ahli-ahli Dewan 'Ulamak PAS dalam Kawasan itu dan tidaklah boleh menjawat jawatan lain dalam peringkat PAS yang memilih dan melantiknya.
- (7) Mesyuarat Agung Dewan 'Ulamak PAS Kawasan berkuasa mengangkat tidak lebih tiga orang wakil ke Muktamar Tahunan Dewan 'Ulamak PAS Pusat, tidak lebih tujuh orang wakil ke Muktamar Tahunan Dewan 'Ulamak PAS Negeri dan lima belas orang ke Mesyuarat Agung PAS Kawasan.

FASAL 32. Mesyuarat Agung Dewan Pemuda PAS Kawasan

- (1) Dewan Pemuda PAS Kawasan hendaklah mengadakan Mesyuarat Agung Tahunannya sekali dalam setahun sebelum daripada berlangsungnya Mesyuarat Agung PAS Kawasan dan Muktamar Dewan Pemuda PAS Negeri, atau pada bila-bila masa yang ditetapkan oleh Jawatankuasa Kerja Dewan Pemuda PAS Kawasan itu.
- (2) Mesyuarat Agung Khas Dewan Pemuda PAS Kawasan bolehlah diadakan beberapa kali dalam setahun sekiranya dikehendaki oleh Ketua Dewan Pemuda PAS Kawasan atau

dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan Pemuda PAS Kawasan atau satu pertiga daripada Jawatankuasa Kerja Pemuda PAS Cawangan dalam Kawasan itu. Maka Mesyuarat Agung Khas ini tidaklah boleh dibincangkan apa-apa perkara selain daripada perkara yang kerananya Mesyuarat Agung itu diadakan.

- (3) Notis bagi mengadakan Mesyuarat Agung Tahunan dan Khas Dewan Pemuda PAS Kawasan hendaklah dihantar kepada perwakilan tidak kurang 14 hari daripada tarikh mesyuarat agung hendak diadakan.
- (4) Ahli bagi Mesyuarat Agung Tahunan/Khas Dewan Pemuda PAS Kawasan itu ialah:
 - (a) Pengerusi Tetap dan Timbalannya.
 - (b) Jawatankuasa Kerja Dewan Pemuda PAS Kawasan.
 - (c) Ketua Pemuda PAS Cawangan-
 - (d) Tidak lebih dari lima orang pemuda PAS Cawangan yang diangkat oleh Ketua Pemuda PAS Cawangan.
- (5) Cukup bilang bagi menjalankan Mesyuarat Agung Dewan Pemuda PAS Kawasan itu ialah satu pertiga daripada ahli-ahli yang di atas hadir.
- (6) Pengerusi bagi Mesyuarat Agung Dewan Pemuda PAS Kawasan itu ialah Pengerusi Tetap atau Timbalannya yang dipilih di dalam Mesyuarat Agung Tahunan pada tiap-tiap dua tahun sekali atau pada mana-mana Mesyuarat

Agung Tahunan yang ada pemilihannya daripada kalangan ahli-ahli Dewan Pemuda PAS dalam Kawasan itu dan tidaklah boleh menjawat jawatan lain dalam peringkat PAS yang memilih dan melantiknya.

- (7) Mesyuarat Agung Dewan Pemuda PAS Kawasan berkuasa mengangkat tidak lebih tiga orang wakil ke Muktamar Tahunan Dewan Pemuda PAS Pusat, tidak lebih tujuh orang wakil ke Muktamar Tahunan Dewan Pemuda PAS Negeri dan lima belas orang wakil ke Mesyuarat Agung PAS Kawasan.

FASAL 33. Mesyuarat Agung Dewan Muslimat PAS Kawasan

- (1) Dewan Muslimat PAS Kawasan hendaklah mengadakan Mesyuarat Agung Tahunannya sekali dalam setahun sebelum daripada berlangsungnya Mesyuarat Agung PAS Kawasan dan Muktamar Dewan Muslimat PAS Negeri, atau pada bila-bila masa yang ditetapkan oleh Jawatankuasa Kerja Dewan Muslimat Kawasan itu.
- (2) Mesyuarat Agung Khas Dewan Muslimat PAS Kawasan bolehlah diadakan beberapa kali dalam setahun sekiranya dikehendaki oleh Ketua Dewan Muslimat PAS Kawasan atau dengan permintaan bersurat daripada sekurang-kurangnya satu pertiga daripada Ahli Jawatankuasa Kerja Dewan Muslimat PAS Kawasan atau satu pertiga daripada Jawatankuasa Kerja Muslimat PAS Cawangan dalam Kawasan itu. Maka Mesyuarat Agung Khas ini tidaklah boleh dibincangkan apa-apa perkara selain daripada perkara yang kerananya Mesyuarat Agung Khas itu diadakan.

- (3) Notis bagi mengadakan Mesyuarat Agung Tahunan dan Khas Dewan Muslimat PAS Kawasan hendaklah dihantar kepada ahli-ahli Dewan Muslimat PAS Kawasan tidak kurang 14 hari daripada tarikh mesyuarat agung hendak diadakan.
- (4) Ahli bagi Mesyuarat Agung Tahunan/Khas Dewan Muslimat PAS Kawasan itu ialah:
 - (a) Pengerusi Tetap dan Timbalannya.
 - (b) Jawatankuasa Kerja Dewan Muslimat PAS Kawasan.
 - (c) Ketua Muslimat PAS Cawangan-
 - (d) Tidak lebih dari lima orang Muslimat PAS Cawangan yang diangkat oleh Ketua Muslimat PAS Cawangan.
- (5) Cukup bilang bagi menjalankan Mesyuarat Agung Dewan Muslimat PAS Kawasan itu ialah satu pertiga daripada ahli-ahlinya yang di atas hadir.
- (6) Pengerusi bagi Mesyuarat Agung Dewan Muslimat PAS Kawasan itu ialah Pengerusi Tetap atau Timbalannya yang dipilih pada tiap-tiap dua tahun sekali atau pada mana-mana Mesyuarat Agung Tahunan Dewan Muslimat PAS Kawasan yang ada pemilihannya daripada kalangan ahli-ahli Dewan Muslimat PAS dalam Kawasan itu dan tidaklah boleh menjawat jawatan lain dalam peringkat PAS yang memilih dan melantiknya.
- (7) Mesyuarat Agung Dewan Muslimat PAS Kawasan berkuasa mengangkat tidak lebih tiga

orang wakil ke Muktamar Tahunan Dewan Muslimat PAS Pusat, tidak lebih tujuh wakil ke Muktamar Tahunan Dewan Muslimat PAS Negeri dan lima belas orang wakil ke Mesyuarat Agung PAS Kawasan.

FASAL 34. Perwakilan ke Muktamar dan Mesyuarat Agung

- (1) Perwakilan hanya dapat menyertai dalam Muktamar Tahunan PAS apabila mereka dapat menunjukkan suratkuasa yang ditandatangani oleh Yang Dipertua dan/atau Setiausaha PAS Kawasan. Adapun wakil-wakil dari dewan-dewan, maka hendaklah suratkuasa itu ditandatangani oleh Ketua dan/atau Setiausaha Dewan berkenaan.
- (2) Perwakilan yang diangkat kepada mana-mana Muktamar atau Mesyuarat Agung PAS itu hendaklah terdiri dari ahli-ahli PAS dalam Cawangan atau Kawasan atau Dewan-dewan yang mengangkatnya dan telah berumur tidak kurang daripada 18 tahun.
- (3) Tiap-tiap seorang wakil itu hendaklah sanggup menerima dan taat kepada keputusan-keputusan dan ketetapan-ketetapan Muktamar dan Mesyuarat Agung.
- (4) Tiap-tiap seorang wakil tidaklah boleh mewakili lebih daripada satu pihak.
- (5) Setiap perwakilan yang diangkat oleh mana-mana Muktamar dan/atau Mesyuarat Agung Tahunan PAS Cawangan dan Kawasan serta Dewan-dewan 'Ulamak, Pemuda, Muslimat, As-Sabiqun dan Himpunan Pendukung, maka berkuasalah mereka mewakili Muktamar dan/atau Mesyuarat Agung Tahunan yang

mengangkatnya ke mana-mana Mukhtar atau Mesyuarat Agung yang lebih tinggi sehingga Mukhtar dan/atau Mesyuarat Agung Tahunan akan datang.

- (6) Sekiranya mana-mana perwakilan yang diangkat oleh Mukhtar dan/atau Mesyuarat Agung Tahunan itu meninggal dunia atau lebih umur atau berpindah Kawasan/Cawangan atau meletak jawatan atau sebab-sebab lain, maka berkuasalah Jawatankuasa Kerja masing-masing mengangkat pengganti.

FASAL 35. Tugas dan Kekuasaan Mukhtar dan Mesyuarat Agung PAS

Tugas dan kuasa Mukhtar dan mesyuarat-mesyuarat agung PAS itu ialah:

- (1) Mengesahkan peringatan Mukhtar atau Mesyuarat agung yang lalu.
- (2) Membentangkan dan menerima penyata-penyata dan laporan-laporan kewangan dan perjalanan tahunan PAS.
- (3) Memilih Jawatankuasa-Jawatankuasa Kerja seperti yang ditetapkan oleh Perlembagaan PAS.
- (4) Memilih Pengerusi Tetap, Timbalan Pengerusi Tetap dan dua orang pemeriksa Kira-kira mengikut Perlembagaan.
- (5) Mengangkat perwakilan ke Mukhtar/Mesyuarat Agung yang lebih tinggi mengikut peruntukan Perlembagaan ini.

- (6) Membahas ucapan dasar di peringkat pusat.
- (7) Membahas usul-usul dan resolusi-resolusi.
- (8) Ucapan-ucapan penangguhan.
- (9) Lain-lain perkara yang ditetapkan oleh Jawatankuasa-Jawatankuasa Kerja masing-masing.

BAB YANG KEENAM PENUBUHAN KAWASAN DAN CAWANGAN

FASAL 36. Penubuhan PAS Kawasan

- (1) Kawasan PAS hendaklah ditubuhkan hanya sebuah sahaja bagi tiap-tiap satu daerah (bagi negeri Kelantan, 'Jajahan') mengikut sempadan kekuasaan Pegawai Daerah (bagi negeri Kelantan 'Pegawai Jajahan') atau kawasan pilihan raya Parlimen dengan syarat telah sedia ada tidak kurang daripada dua ratus orang Ahli PAS yang telah berdaftar, kecuali jika dipandang sangat mustahak oleh Badan Perhubungan PAS Negeri dan/atau Wilayah Persekutuan, dan diluluskan oleh Jawatankuasa Kerja PAS Pusat mengikut cara yang lain.
- (2) Pesuruhjaya PAS Negeri dan/atau Wilayah Persekutuan dengan persetujuan Jawatankuasa Kerja PAS Pusat sahajalah yang berkuasa menubuhkan Kawasan-kawasan PAS di daerah-daerah (Jajahan-jajahan bagi negeri Kelantan) atau kawasan-kawasan Parlimen yang belum ada Kawasan PAS atau dalam

menyempurnakan kehendak-kehendak ceraiian (1) Fasal ini, dan bagi negeri-negeri/Wilayah Persekutuan yang belum ada Pesuruhjaya PAS atau Badan Perhubungan ini adalah tertakluk di bawah kekuasaan Jawatankuasa Kerja PAS Pusat.

FASAL 37. Penubuhan PAS Cawangan

- (1) Adapun Cawangan-cawangan PAS bagi sesebuah Kawasan itu bolehlah ditubuhkan di mana-mana saja tempat di dalam daerah kekuasaan PAS Kawasan oleh Yang Dipertua PAS Kawasan dengan persetujuan Pesuruhjaya PAS Negeri/Wilayah Persekutuan, dengan syarat telah sedia ada tidak kurang daripada dua puluh lima orang Ahli PAS yang telah berdaftar.
- (2) Adapun bagi kawasan-kawasan yang tiada atau belum ditubuhkan PAS Kawasan, maka Cawangan PAS hendaklah ditubuhkan oleh Jawatankuasa Kerja PAS Pusat dengan persetujuan Pesuruhjaya PAS Negeri/Wilayah Persekutuan dengan syarat telah sedia ada tidak kurang daripada dua puluh lima orang Ahli PAS yang telah berdaftar.
- (3) Adapun bagi PAS Kawasan yang digantung atau dibubarkan mengikut Fasal 39(9)(j) Perlembagaan ini atau dibatal pendaftarannya oleh Pendaftar Pertubuhan, maka Cawangan PAS hendaklah ditubuhkan oleh Pengerusi Jawatankuasa Tadbir Sementara PAS Kawasan berkenaan dengan persetujuan Jawatankuasa Kerja PAS Pusat atau ditubuhkan mengikut apa-apa ketetapan lain yang dibuat oleh Jawatankuasa Kerja PAS Pusat.

BAB YANG KETUJUH JAWATANKUASA KERJA

FASAL 38. Jawatankuasa Kerja PAS Pusat

- (1) Jawatankuasa Kerja PAS Pusat itu ialah:
 - (a) Seorang Presiden
 - (b) Seorang Timbalan Presiden
 - (c) Tiga orang Naib Presiden
 - (d) Lima orang Ketua Dewan-dewan
 - (e) Seorang Setiausaha Agung
 - (f) Tidak lebih daripada tiga orang Penolong Setiausaha Agung
 - (g) Seorang Bendahari
 - (h) Seorang Ketua Penerangan,
 - (i) Seorang Ketua Pengarah Pilihan Raya, dan
 - (j) Dua puluh enam orang Ahli Jawatankuasa Kerja Biasa.
- (2) Presiden, Timbalan Presiden dan tiga orang Naib Presiden hendaklah dipilih dan dilantik akan dia oleh Muktamar Tahunan PAS Pusat pada tiap-tiap dua tahun daripada ahli-ahli PAS atau dengan apa-apa cara jua yang dipersetujui oleh Muktamar Tahunan PAS Pusat itu.
- (3) Lima orang daripada Ketua dari Dewan-dewan itu ialah Ketua Dewan Ulamak, Ketua Dewan Pemuda, Ketua Dewan Muslimat, Ketua Dewan As-Sabiqun dan Ketua Dewan Himpunan Pendukung yang telah dipilih dan dilantik akan

dia oleh Muktamar masing-masing, yang diadakan sebelum daripada Muktamar Tahunan PAS Pusat yang ada pemilihan, dan mereka adalah setaraf dengan Naib-naib Presiden.

- (4) Setiausaha Agung, tidak lebih tiga orang Penolong Setiausaha Agung, Bendahari, Ketua Penerangan dan Ketua Pengarah Pilihan Raya PAS Pusat hendaklah dilantik oleh Presiden di dalam dan dengan persetujuan Mesyuarat Jawatankuasa Kerja PAS Pusat daripada ahli-ahli PAS atau daripada kalangan ahli-ahli Jawatankuasa Kerja PAS Pusat dan akan memegang jawatan itu sehingga pada Muktamar Tahunan PAS Pusat yang ada pemilihan atau sehingga ia meminta berhenti atau diberhentikan oleh Jawatankuasa Kerja PAS Pusat dengan apa-apa sebab sekalipun.
- (5) Lapan belas orang daripada Ahli-ahli Jawatankuasa Kerja PAS Pusat yang disebutkan dalam ceraiian (1)(j) Fasal ini, hendaklah dipilih dan dilantik di dalam Muktamar Tahunan PAS Pusat tiap-tiap dua tahun sekali, dan lapan daripadanya hendaklah dilantik akan dia oleh Presiden di dalam dan dengan persetujuan Mesyuarat Jawatankuasa Kerja PAS Pusat daripada ahli-ahli PAS, dan akan memegang jawatan itu sehingga Muktamar Tahunan PAS Pusat yang ada pemilihan atau dia meminta berhenti atau diberhentikan oleh Jawatankuasa Kerja PAS Pusat dengan apa-apa sebab sekalipun.
- (6) Sekiranya seseorang Ahli Jawatankuasa Kerja PAS Pusat itu tidak lagi menjawat jawatan itu sama ada dengan sebab meninggal dunia ataupun dengan sebab ia meminta berhenti atau diberhentikan atau dengan apa-apa sebab yang

menjadi halangan daripada menjawat jawatan tersebut, maka Jawatankuasa Kerja PAS Pusat dalam mesyuaratnya adalah berkuasa melantik penggantinya daripada sesiapa sahaja Ahli PAS sehingga Muktamar Tahunan PAS Pusat memilih semula Ahli-ahli Jawatankuasa Kerja PAS Pusat.

- (7) Seseorang Ahli Jawatankuasa Kerja PAS Pusat bolehlah meminta berhenti daripada jawatannya dengan menyatakan kehendak-kehendak itu dengan bersurat kepada Setiausaha Agung, dan pemberhentiannya itu hendaklah dimaklumkan kepada Jawatankuasa Kerja PAS Pusat supaya diangkat dan dilantik gantinya daripada ahli-ahli PAS yang difikirkan layak oleh Jawatankuasa Kerja PAS Pusat.
- (8) Jika sekiranya Presiden berhenti atau diberhentikan atau dengan apa-apa jua sebab yang menjadikan ia terhalang daripada memegang jawatannya itu, maka Timbalan Presiden dengan sendirinya memangku jawatan Presiden sehingga Presiden itu dapat dipilih semula, atau dapat memegang jawatannya semula.
- (9) Jika sekiranya Presiden dan Timbalannya berhenti atau diberhentikan atau dengan apa-apa sebab juapun yang menjadikan mereka terhalang daripada memegang jawatan-jawatan itu, maka salah seorang daripada Naib-Naib Presiden yang dilantik oleh Muktamar Tahunan PAS Pusat hendaklah dipilih oleh Jawatankuasa Kerja PAS Pusat untuk memangku jawatan Presiden dan seorang lagi memangku jawatan Timbalan Presiden bagi menjalankan pentadbiran dan kerja-kerja Presiden dan Timbalannya sehingga seorang Presiden dan

Timbalan Presiden dapat dipilih semula atau dapat memegang semula jawatannya itu, maka hendaklah dipilih di antara kalangan Ahli-ahli Jawatankuasa Kerja PAS Pusat bagi memangku jawatan Naib-Naib Presiden itu sehingga mereka dapat dipilih semula atau dapat memegang jawatan itu semula setelah Presiden dan Timbalannya memegang jawatan mereka semula.

- (10) Jawatankuasa Kerja PAS Pusat hendaklah mengadakan mesyuarat sekurang-kurangnya sekali dalam masa tiga bulan, atau pada sebarang masa yang lain yang dikehendaki oleh Presiden atau sebarang masa yang dikehendaki oleh satu pertiga daripada Ahli Jawatankuasa Kerja PAS Pusat dengan syarat mereka menghantar surat yang menyatakan kehendak dan sebab kemustahakan mesyuarat itu diadakan kepada Setiausaha Agung.
- (11) Presiden atau Timbalannya atau gantinya atau sesiapa sahaja daripada Ahli-ahli Jawatankuasa Kerja PAS Pusat yang hadir yang dipersetujui oleh Jawatankuasa Kerja PAS Pusat itu bolehlah mempengerusikan mesyuaratnya ketika salah seorang daripadanya berhalangan atau/dan kedua-duanya berhalangan untuk mempengerusikan mesyuarat tersebut.
- (12) Cukup bilang bagi menjalankan Mesyuarat Jawatankuasa Kerja PAS Pusat itu ialah satu perdua daripada ahli-ahlinya hadir.
- (13) Adapun seseorang ahli Jawatankuasa Kerja PAS Pusat itu bolehlah dilucutkan jawatannya dengan persetujuan Mesyuarat Jawatankuasa Kerjanya jika gagal hadir mesyuarat sebanyak

tiga kali berturut-turut tanpa sebarang makluman kepada Setiausaha Agung.

FASAL 39. Tugas-tugas Ahli Jawatankuasa Kerja PAS Pusat

(1) Presiden

- (a) Bertanggungjawab sebagai ketua bagi melaksanakan pentadbiran, gerakan dan kegiatan PAS bagi mencapai tujuan-tujuan yang termaktub dalam Perlembagaan ini mengikut dasar yang diperuntukannya dan yang diputuskan oleh mana-mana badan yang diberi kuasa oleh Perlembagaan ini bagi menghurai, menjelas dan mentafsirkan dasar PAS serta membuat ketetapan-ketetapan mengenainya.
- (b) Bertanggungjawab ke atas semua kerja dan urusan Jawatankuasa Kerja PAS Pusat serta menyelaraskan tugas-tugas Jawatankuasa Kerja PAS Pusat.
- (c) Melantik Setiausaha Agung, Penolong Setiausaha Agung, Bendahari, Ketua Penerangan, Ketua Pengarah Pilihan Raya dan Ahli-ahli Jawatankuasa Kerja yang dilantik serta Pesuruhjaya-Pesuruhjaya PAS Negeri/Wilayah Persekutuan menurut peruntukan-peruntukan Perlembagaan ini di dalam dan dengan persetujuan mesyuarat Jawatankuasa Kerja PAS Pusat.
- (d) Mengambil apa-apa jua langkah yang perlu bagi menjamin perpaduan, persefahaman dan kesungguhan Ahli-ahli Jawatankuasa

Kerja PAS Pusat dalam menjalankan tugas masing-masing.

- (e) Menetap dan mengurus mesyuarat-mesyuarat Jawatankuasa Kerja PAS Pusat dan Jawatankuasa Harian PAS Pusat.

(2) Timbalan Presiden

- (a) Membantu tugas-tugas Presiden
- (b) Mengurus mesyuarat-mesyuarat Jawatankuasa Kerja PAS Pusat dan Jawatankuasa Harian PAS Pusat apabila Presiden berhalangan atau tidak hadir.

(3) Naib-naib Presiden

- (a) Membantu tugas-tugas Presiden
- (b) Mengurus mesyuarat-mesyuarat Jawatankuasa Kerja PAS Pusat dan Jawatankuasa Harian PAS Pusat apabila Presiden dan Timbalannya berhalangan atau tidak hadir.

(4) Setiausaha Agung

- (a) Bertanggungjawab secara langsung kepada Presiden dan Jawatankuasa Kerja PAS Pusat.
- (b) Menjadi ketua pegawai yang bertanggungjawab bagi pelaksanaan pentadbiran Pejabat Agung PAS dan penyelarasan kepada kerja-kerja dan tugas-tugas yang diperuntukkan kepada Setiausaha Dewan-dewan Ulamak,

Pemuda, Muslimat, As-Sabiqun dan Himpunan Pendukung PAS Pusat.

- (c) Bertanggungjawab melaporkan kepada Presiden dan Jawatankuasa Kerja PAS Pusat atas segala tindakan yang dijalankan berhubung dengan pentadbiran Pejabat Agung dan kegiatan kepartian seluruhnya.
 - (d) Bertanggungjawab atas kesempurnaan semua mesyuarat-mesyuarat Jawatankuasa Kerja PAS Pusat, Jawatankuasa Harian PAS Pusat dan Muktamar Tahunan/Khas PAS Pusat.
 - (e) Bertanggungjawab atas penyusunan dan pengambilan pegawai-pegawai dan kakitangan Pejabat Agung dengan persetujuan Jawatankuasa Harian PAS Pusat.
 - (f) Menyediakan sebarang penyata mengenai kerja dan kemajuan parti bagi tujuan Muktamar Tahunan/Khas dan mana-mana Mesyuarat Jawatankuasa Kerja PAS Pusat dan Jawatankuasa Harian PAS Pusat.
- (5) Penolong-penolong Setiausaha Agung
- (a) Bertanggungjawab kepada Setiausaha Agung.
 - (b) Membantu Setiausaha Agung dalam urusan pentadbiran Pejabat Agung PAS dan penyelaras kepada kerja-kerja dan tugas-tugas yang diperuntukan kepada Setiausaha Dewan-dewan 'Ulamak, Pemuda dan Muslimat, As-Sabiqun dan Himpunan Pendukung PAS Pusat.

(c) Membantu tugas-tugas Setiausaha Agung.

(6) Bendahari

(a) Bertanggungjawab atas kesempurnaan kewangan Pejabat Agung.

(b) Menyediakan anggaran belanjawan kepada Jawatankuasa Kerja PAS Pusat.

(c) Bertanggungjawab menyediakan penyata kewangan tahunan untuk diperiksa oleh Pemeriksa Kira-kira PAS Pusat dan juga oleh Pemeriksa Kira-kira bertauliah yang dilantik oleh Jawatankuasa Kerja PAS Pusat.

(d) Membentangkan penyata kewangan kepada Mukhtar Tahunannya.

(e) Menyediakan rancangan-rancangan untuk mengukuhkan kedudukan kewangan parti.

(7) Ketua Penerangan

(a) Bertanggungjawab atas kesempurnaan seluruh kegiatan penerangan PAS.

(b) Menyedia, menyusun dan menyelaras program dan kegiatan penerangan yang sesuai dengan tujuan dan dasar perjuangan PAS.

(c) Bertanggungjawab melaporkan kepada Presiden dan Jawatankuasa Kerja PAS Pusat atas segala tindakan dan usaha yang dijalankan berhubung dengan kegiatan penerangan itu.

- (d) Menyedia dan mengeluarkan kenyataan, risalah dan apa jua penerbitan parti yang sesuai dengan dasar, tujuan dan ketetapan-ketetapan parti dari semasa ke semasa.

(8) Ketua Pengarah Pilihan Raya

- (a) Bertanggungjawab atas kesempurnaan seluruh urusan pilihan raya PAS.
- (b) Menyedia, menyusun dan menyelaraskan aktiviti-aktiviti pilihan raya PAS.
- (c) Bertanggungjawab melaporkan kepada Presiden dan Jawatankuasa Kerja PAS Pusat atas segala usaha dan tindakan berhubung dengan kegiatan pilihan raya.

(9) Ahli-ahli Jawatankuasa Kerja

- (a) Melaksana, menyusun dan mengatur strategi dan mengambil langkah-langkah yang perlu bagi menjalankan program politik, ekonomi, pelajaran, kemasyarakatan dan lain-lain mengikut dasar yang ditentukan kepadanya oleh mana-mana peruntukan dalam Perlembagaan ini dan oleh mana-mana badan yang diberi kepadanya kuasa menetapkan dasar oleh mana-mana peruntukan dalam Perlembagaan ini.
- (b) Memberi perhatian terhadap kegiatan umum kerajaan dan menyelaraskan sikap dan pendirian ahli-ahli PAS dalam Parlimen supaya dapat dipertanggungjawabkan kepada dasar dan keutuhan Parti.

- (c) Memelihara, menjaga dan mengawal tatatertib PAS dan melantik Ahli-ahli Jawatankuasa Tatatertib PAS seperti yang diperuntukan dalam Fasal 76(5) Perlembagaan ini.
- (d) Mengambil apa-apa tindakan tatatertib tanpa menghiraukan Jawatankuasa Tatatertib ke atas mana-mana Ahli PAS yang diadukan kepadanya menurut Fasal 76(9).
- (e) Mendengar dan mempertimbangkan rayuan tatatertib mengikut Fasal 77(2) Perlembagaan ini.
- (f) Memilih dan memuktamadkan calon-calon bagi Dewan Rakyat dan Dewan Undangan Negeri dengan syarat hendaklah pemilihan dan keputusan mengenainya tertakluk kepada peraturan pemilihan calon yang ditentukan oleh Majlis Syura 'Ulamak.
- (g) Membuat semua Aturan dan Peraturan berhubung dengan pentadbiran parti dan dewan-dewan termasuk soal-soal mengenai pilihan raya dan soal-soal yang berbangkit mengikut Fasal 78 dan 79 Perlembagaan ini.
- (h) Membentuk Jawatankuasa-jawatankuasa atau lajnah-lajnah yang diperlukan bagi menjalan dan melicinkan pentadbiran, gerakan dan kegiatan PAS serta melantik ahli-ahlinya dan menyediakan peraturan-peraturannya.
- (i) Menyelaraskan kegiatan gerakan dan pentadbiran Badan-badan Perhubungan PAS Negeri/Wilayah Persekutuan dan

Dewan-dewan yang ditubuhkan di bawah peruntukan Perlembagaan ini.

- (j) Menyelesaikan perselisihan yang berlaku dalam parti, dan berkuasa menggantung dan membubarkan serta mengambil alih mana-mana Badan Perhubungan PAS Negeri/Wilayah Persekutuan, Kawasan-kawasan dan Cawangan-cawangan dengan melantik satu Jawatankuasa Tadbir Sementara yang akan mempunyai kuasa sebagaimana sesebuah Jawatankuasa yang diambil menurut Perlembagaan ini untuk tempoh masa yang ditentukan.
- (k) Membuat pertimbangan untuk bekerjasama dengan pertubuhan-pertubuhan lain yang tidak bercanggah dengan dasar dan tujuan PAS dan membuat keputusan mengenainya setelah dipersetujui oleh Majlis Syura 'Ulamak.
- (l) Memberhentikan, mengganti dan melantik baru mana-mana Ahli Jawatankuasa Kecil yang ditubuhkan di bawah Ceraian (9)(h) Fasal ini dari semasa ke semasa termasuklah membubarkan mana-mana Jawatankuasa Kecil itu yang difikirkan tidak mustahak lagi. Mesyuarat Jawatankuasa Kerja PAS Pusat adalah berkuasa melantik mana-mana Ahli PAS bagi memenuhi mana-mana kekosongan dalam Jawatankuasa Kerja PAS Pusat sama ada kerana seseorang ahli itu berhenti, diberhentikan, meninggal dunia atau kerana ianya bercuti yang melebihi daripada 2 bulan.
- (m) Pada amnya menjalankan tugas dan arahan-arahan oleh Presiden serta

melaksanakan apa saja usaha untuk kemajuan parti akan keutuhan umat Islam.

FASAL 40. Jawatankuasa Harian PAS Pusat

- (1) Ahli Jawatankuasa Harian PAS Pusat itu ialah:
 - (a) Presiden
 - (b) Timbalan Presiden
 - (c) Naib – naib Presiden
 - (d) Ketua Dewan Ulamak
 - (e) Ketua Dewan Pemuda
 - (f) Ketua Dewan Muslimat
 - (g) Setiausaha Agung
 - (h) Bendahari
 - (i) Ketua Penerangan,
 - (j) Ketua Pengarah Pilihan Raya
- (2) Pengerusi bagi mesyuarat Jawatankuasa Harian PAS Pusat itu ialah Presiden, dan jika ia berhalangan, maka Timbalan Presiden, dan jika Timbalan Presiden itu berhalangan juga, maka salah seorang daripada Naib-naib Presiden hendaklah mempengerusikan mesyuarat tersebut.
- (3) Cukup bilang bagi menjalankan mesyuarat Jawatankuasa Harian itu ialah satu perdua daripada ahli-ahlinya yang hadir.
- (4) Jika Ketua-ketua Dewan Ulamak, Pemuda dan Muslimat PAS Pusat itu berhalangan atau apa-apa jua sebab yang ia tidak dapat hadir dalam mana-mana mesyuarat Jawatankuasa Kerja atau Jawatankuasa Harian PAS Pusat, maka Timbalan Ketua masing-masing bolehlah

diwakilkan secara bersurat untuk hadir di dalam mesyuarat-mesyuarat itu.

- (5) Sekiranya Setiausaha Agung berkeuzuran dan tidak dapat menghadiri mesyuarat Jawatankuasa Harian PAS Pusat, maka mana-mana seorang Penolong Setiausaha Agung bolehlah menggantikan beliau dalam mesyuarat tersebut.
- (6) Tugas-tugas Jawatankuasa Harian PAS Pusat adalah :
 - (a) Menimbang sebarang permohonan menjadi Ahli PAS dan Ahli Bersekutu PAS, permohonan berhenti menjadi Ahli PAS dan Ahli Bersekutu PAS dan permohonan ahli berpindah Kawasan.
 - (b) Membuat sebarang keputusan untuk kelicinan kerja-kerja pentadbiran Pejabat Agung dan urusan-urusan biasa parti.
 - (c) Mengadakan hubungan dan diplomasi dengan pelbagai pihak selagi tidak bertentangan dengan dasar-dasar parti.
 - (d) Menimbang sesuatu hal yang mustahak yang terpaksa disegerakan.
 - (e) Melaksanakan sebarang tugas-tugas tertentu yang diperturunkan kuasanya oleh Jawatankuasa Kerja PAS Pusat.
 - (f) Semua keputusan dan tindakan yang dibuat oleh jawatankuasa ini mengikut Ceraian (a), (b), (c) dan (d) Fasal ini hendaklah dimaklumkan dan disahkan oleh Jawatankuasa Kerja PAS Pusat.

FASAL 41. Jawatankuasa Kerja PAS Kawasan

- (1) Jawatankuasa Kerja PAS Kawasan itu ialah:
 - (a) Seorang Yang Dipertua
 - (b) Seorang Timbalan Yang Dipertua
 - (c) Seorang Naib Yang Dipertua
 - (d) Ketua Dewan 'Ulamak PAS Kawasan
 - (e) Ketua Dewan Pemuda PAS Kawasan
 - (f) Ketua Dewan Muslimat PAS Kawasan
 - (g) Seorang Ketua Urusan As-Sabiqun
 - (h) Seorang Ketua Urusan Himpunan Pendukung
 - (i) Seorang Setiausaha
 - (j) Tidak lebih daripada tiga orang Penolong Setiausaha
 - (k) Seorang Bendahari
 - (l) Seorang Ketua Penerangan
 - (m) Seorang Pengarah Pilihan Raya
 - (n) Tidak lebih daripada dua puluh empat orang dan tidak kurang daripada lima belas orang Ahli Jawatankuasa Kerja Biasa.
- (2) Yang Dipertua, Timbalan Yang Dipertua dan Naib Yang Dipertua PAS Kawasan itu hendaklah dipilih dan dilantik tiap-tiap dua tahun sekali daripada ahli-ahli PAS Kawasan itu dalam Mesyuarat Agung Tahunan yang ada pemilihannya.

- (3) Tiga orang daripada Ketua Dewan-dewan itu ialah Ketua Dewan 'Ulamak, Pemuda dan Muslimat PAS Kawasan yang dipilih dan dilantik dalam Mesyuarat Agung Dewan 'Ulamak, Pemuda dan Muslimat PAS Kawasan yang diadakan sebelum Mesyuarat Agung PAS Kawasan itu.
- (4) Ketua Urusan As-Sabiqun, Ketua Urusan Himpunan Pendukung, Setiausaha, Penolong-penolong Setiausaha, Bendahari, Ketua Penerangan dan Pengarah Pilihan Raya PAS Kawasan hendaklah dilantik oleh Yang Dipertua PAS Kawasan di dalam dan dengan persetujuan mesyuarat Jawatankuasa Kerja PAS Kawasan, dan akan memegang jawatan masing-masing sehingga dua kali Mesyuarat Agung Tahunan PAS Kawasan yang akan datang atau sehingga ia meletakkan jawatan atau dengan apa-apa jua sebab yang menghalang bagi pemegang jawatan-jawatan itu dari menjalankan tugas yang ditentukan kepadanya.
- (5) Ahli-ahli Jawatankuasa Kerja PAS Kawasan yang disebutkan dalam ceraihan (1)(n) Fasal ini hendaklah dua pertiga daripadanya dipilih dalam Mesyuarat Agung Tahunan PAS Kawasan pada tiap-tiap dua tahun sekali dan satu pertiga daripadanya dilantik oleh Yang Dipertua PAS Kawasan di dalam dan dengan persetujuan mesyuarat Jawatankuasa Kerja PAS Kawasan daripada ahli-ahli PAS dalam Kawasan itu, dan mereka hendaklah memegang jawatan masing-masing sehingga dua kali Mesyuarat Agung Tahunan PAS Kawasan yang akan datang atau sehingga mereka meminta berhenti atau diberhentikan oleh Jawatankuasa Kerja PAS Kawasan dengan apa-apa jua sebab sekalipun.

- (6) (a) Tiap-tiap Ahli Jawatankuasa Kerja PAS Kawasan yang disebutkan dalam ceraihan (1) Fasal ini kecuali Ketua-ketua Dewan-dewan 'Ulamak, Pemuda dan Muslimat PAS Kawasan, bolehlah meminta berhenti daripada jawatannya dengan bersurat dan bolehlah ditimbang dan diluluskan dalam mesyuarat Jawatankuasa Kerja PAS Kawasan. Kemudian Jawatankuasa Kerja PAS Kawasan itu bolehlah mengangkat penggantinya daripada Ahli PAS dalam kawasan itu.
- (b) Ketua-ketua Dewan bolehlah meminta berhenti daripada Jawatankuasa Kerja Dewan-dewan PAS Kawasan itu, dan memberitahu keberhentiannya itu kepada Setiausaha PAS Kawasan untuk dimaklumkan kepada Jawatankuasa Kerja PAS Kawasan dalam mesyuarat atau dengan surat pekeliling, dan selama jawatan itu belum dipenuhi, maka Timbalannya bolehlah menduduki tempat di dalam Jawatankuasa Kerja PAS Kawasan dan Jawatankuasa Harian PAS Kawasan itu.
- (c) Setiausaha PAS Kawasan yang dipecat sebagai ahli Perhubungan PAS Negeri mengikut Fasal 53(14) Perlembagaan ini dengan sendirinya terlucut jawatan sebagai Setiausaha PAS Kawasan, dan Yang Dipertua PAS Kawasan hendaklah melantik mana-mana Ahli PAS dalam Kawasan itu sebagai Setiausaha PAS Kawasan mengikut Ceraihan (4) Fasal ini.
- (7) Jika sekiranya Yang Dipertua PAS Kawasan itu berhenti atau diberhentikan atau apa-apa jua

sebab yang menjadikan ia terhalang daripada dapat menunaikan tugasnya, maka Timbalan Yang Dipertua PAS Kawasan itu hendaklah menjalankan tugas dan kerja-kerjanya sehingga kepada Mesyuarat Agung Kawasan yang akan datang yang apa padanya pemilihan, jika kedua-duanya berhenti atau diberhentikan dengan apa-apa jua sebabpun, maka Naib Yang Dipertua hendaklah dilantik memangku jawatan Yang Dipertua dan seorang dari Jawatankuasa Kerja PAS Kawasan hendaklah dilantik memangku jawatan Timbalan Yang Dipertua PAS Kawasan dan seorang lagi dari Jawatankuasa Kerja PAS Kawasan hendaklah dilantik memangku jawatan Naib Yang Dipertua PAS Kawasan di dalam dan dengan persetujuan mesyuarat Jawatankuasa Kerja PAS Kawasan sehingga ke mesyuarat Agung Kawasan yang akan datang yang ada pemilihan. Dan di tempat mereka yang mereka kosongkan bolehlah dilantik gantinya oleh mesyuarat Jawatankuasa Kerja PAS Kawasan itu daripada mana-mana jua Ahli PAS di Kawasan itu.

- (8) Dengan tidak tertegah oleh syarat-syarat yang terkandung dalam ceraiian (2), (3), (4), (5) dan (6) di atas, maka Jawatankuasa Kerja PAS Kawasan adalah berkuasa memberhentikan atau menahan seseorang Ahli Jawatankuasa PAS Kawasan daripada menjalankan kerja-kerjanya pada/atau dalam masa yang ditentukan. Akan tetapi tidaklah boleh diberhentikan seseorang Ahli Jawatankuasa Kerja itu melainkan dengan persetujuan sekurang-kurangnya satu perdua daripada jumlah Ahli-ahli Jawatankuasa Kerja PAS Kawasan itu.

- (9) Jawatankuasa Kerja PAS Kawasan itu hendaklah bersidang sekurang-kurangnya sekali dalam masa tiga bulan atau pada bila-bila masa yang dikehendaki oleh Yang Dipertua PAS Kawasan itu, atau pada sebarang masa yang dikehendaki oleh satu pertiga daripada jumlah Ahli-ahli Jawatankuasa itu yang meminta dengan bersurat kepada Setiausaha PAS Kawasan itu dan menyatakan sebab-sebabnya.
- (10) Cukup bilang bagi menjalankan Mesyuarat Jawatankuasa Kerja PAS Kawasan itu ialah satu pertiga daripada ahli-ahlinya hadir.
- (11) Seseorang Ahli Jawatankuasa Kerja PAS Kawasan itu bolehlah dilucutkan jawatannya dengan persetujuan mesyuarat Jawatankuasa Kerja jika gagal hadir mesyuarat sebanyak tiga kali berturut-turut tanpa sebarang makluman kepada Setiausaha PAS Kawasan.

FASAL 42. Tugas-tugas Ahli Jawatankuasa Kerja PAS Kawasan

- (1) Yang Dipertua
 - (a) Bertanggungjawab atas kesempurnaan perjalanan Parti dalam Kawasannya.
 - (b) Mengambil segala langkah yang perlu bagi menjaga dan memelihara perpaduan, persefahaman dan kesungguhan ahli-ahli Jawatankuasa Kerja PAS Kawasan dalam menjalankan tugas dan melaksanakan tugas, kegiatan dan pentadbiran PAS Kawasan.

- (c) Menetap dan menguruskan mesyuarat-mesyuarat Jawatankuasa Kerja PAS Kawasan dan Jawatankuasa Harian PAS Kawasan.

(2) Timbalan Yang Dipertua

- (a) Membantu tugas-tugas Yang Dipertua PAS Kawasan.
- (b) Menguruskan mesyuarat-mesyuarat Jawatankuasa Kerja PAS Kawasan, dan Jawatankuasa Harian PAS Kawasan apabila Yang Dipertua PAS Kawasan berhalangan atau tidak hadir.
- (c) Menggantikan Yang Dipertua PAS Kawasan sebagai ahli Perhubungan PAS Negeri jika Yang Dipertua PAS Kawasan dipecat sebagai ahli Perhubungan PAS Negeri mengikut Fasal 53(14) Perlembagaan ini.

(3) Naib Yang Dipertua

- (a) Membantu tugas-tugas Yang Dipertua PAS Kawasan.
- (b) Menguruskan mesyuarat-mesyuarat Jawatankuasa Kerja PAS Kawasan, dan Jawatankuasa Harian PAS Kawasan apabila Yang Dipertua PAS Kawasan dan Timbalannya berhalangan atau tidak hadir.

(4) Ketua Urusan As-Sabiqun

- (a) Bertanggungjawab menyatukan ahli-ahli As-Sabiqun dalam Kawasan itu.

- (b) Menyusun dan menyelaraskan apa-apa program dan kegiatan berkaitan dengan As-Sabiqun di peringkat Kawasan berkenaan.
- (c) Membentuk jawatankuasa Urusan As-Sabiqun Kawasan dari kalangan ahli-ahli As-Sabiqun dengan persetujuan Mesyuarat Jawatankuasa Kerja PAS Kawasan.

(5) Ketua Urusan Himpunan Pendukung

- (a) Bertanggungjawab menyatukan Ahli-ahli Bersekutu PAS dalam Kawasan itu
- (b) Menyebarluas pengaruh PAS di kalangan masyarakat bukan Islam dan menarik mereka menjadi Ahli Bersekutu PAS
- (c) Menyusun dan menyelaraskan apa-apa program dan kegiatan berkaitan dengan Ahli-ahli Bersekutu PAS di peringkat Kawasan berkenaan
- (d) Membentuk jawatankuasa Urusan Himpunan Pendukung PAS Kawasan dari kalangan Ahli Bersekutu PAS dengan persetujuan Mesyuarat Jawatankuasa Kerja PAS Kawasan

(6) Setiausaha

- (a) Bertanggungjawab secara langsung kepada Yang Dipertua dan Jawatankuasa Kerja PAS Kawasan.
- (b) Bertanggungjawab atas kesempurnaan pentadbiran Pejabat PAS Kawasan dan kesempurnaan mesyuarat-mesyuarat Jawatankuasa Kerja PAS Kawasan,

Jawatankuasa Harian dan Mesyuarat Agung Tahunan dan/atau Khas Kawasan.

- (c) Melaporkan semua tindakan pentadbiran yang dilakukan kepada Yang Dipertua PAS Kawasan.
- (d) Menyediakan penyata-penyata atau laporan-laporan kemajuan PAS Kawasan kepada mesyuarat Agung Tahunan PAS Kawasan, Perhubungan PAS Negeri/Wilayah Persekutuan dan seterusnya Pejabat Agung.
- (e) Mengambil kakitangan Pejabat PAS Kawasan samada bergaji atau tidak dengan persetujuan Jawatankuasa Harian PAS Kawasan.

(7) Penolong Setiausaha

- (a) Membantu tugas-tugas Setiausaha PAS Kawasan
- (b) Memangku jawatan Setiausaha ketika ketiadaan Setiausaha.

(8) Bendahari

- (a) Bertanggungjawab atas kesempurnaan perjalanan kewangan PAS Kawasan.
- (b) Bertanggungjawab bagi menyediakan penyata tahunan PAS Kawasan diperiksa oleh Pemeriksa Kira-kira, dan membentangkan penyata itu kepada Mesyuarat Agung Tahunan PAS Kawasan.

- (c) Menyediakan rancangan-rancangan untuk mengukuhkan kedudukan kewangan PAS Kawasan.

(9) Ketua Penerangan

- (a) Bertanggungjawab atas kesempurnaan kegiatan penerangan Kawasan.
- (b) Menyedia, menyusun dan menyelaraskan program dan kegiatan penerangan dalam Kawasan.
- (c) Bertanggungjawab melaporkan kepada Yang Dipertua PAS Kawasan dan Jawatankuasa Kerja PAS Kawasan atas segala tindakan dan usaha yang dijalankan berhubung dengan kegiatan penerangan dalam Kawasan.

(10) Pengarah Pilihan Raya

- (a) Bertanggungjawab atas kesempurnaan seluruh urusan pilihan raya PAS Kawasan.
- (b) Menyedia, menyusun dan menyelaraskan aktiviti-aktiviti pilihan raya PAS Kawasan.
- (c) Bertanggungjawab melaporkan kepada Yang Dipertua PAS Kawasan dan Jawatankuasa Kerja PAS Kawasan atas segala usaha dan tindakan berhubung dengan kegiatan pilihan raya.

(11) Ahli-ahli Jawatankuasa Kerja

- (a) Bertanggungjawab membantu menjalankan tugas-tugas Jawatankuasa Kerja PAS Kawasan yang lain dan menjalankan

arahan-arahan Yang Dipertua PAS Kawasan bagi meluas dan mengembangkan pengaruh PAS dalam Kawasannya dan menubuhkan Cawangan-cawangan serta membimbingnya ke arah kemajuan.

- (b) Menggalakkan semua kegiatan parti dalam semua bidang dan lapangan, termasuk pemuda, muslimat dan soal-soal kemasyarakatan amnya.
- (c) Mengambil berat terhadap masalah-masalah ditempatnya, dan jika perlu mengemukakan masalah itu hingga ke peringkat Perhubungan PAS Negeri/Wilayah Persekutuan.
- (d) Memberi sepenuh kerjasama kepada Badan Perhubungan PAS Negeri/Wilayah Persekutuan untuk penyatuan tenaga, sikap dan tindakan dalam segenap bidang.
- (e) Membentuk Jawatankuasa-jawatankuasa kecil atau lajnah-lajnah yang difikirkan perlu.
- (f) Memilih dan melantik ahli-ahli PAS bagi mewakili PAS Kawasan ke dalam sebarang kumpulan atau jemaah mesyuarat atau majlis-majlis perundingan dan perjumpaan dalam Kawasan itu. Mesyuarat Jawatankuasa Kerja PAS Kawasan juga adalah berkuasa melantik daripada mana-mana Ahli PAS dalam Kawasan itu bagi memenuhi kekosongan mana-mana Ahli Jawatankuasa Kerja PAS Kawasan itu, sama ada oleh kerana ianya diberhenti, diberhentikan, meninggal dunia atau bercuti yang melebihi daripada 2 bulan.

- (g) Mengangkat wakil ke Muktamar PAS yang disebut dalam Fasal 18 Perlembagaan ini, jika wakil yang diangkat oleh Mesyuarat Agung PAS Kawasan tidak lagi menjadi wakil mengikut Fasal 34(6) Perlembagaan ini.
- (h) Pada amnya menjalankan tugas dan arahan-arahan yang diarahkan oleh Yang Dipertua PAS Kawasan serta bertanggungjawab bagi menjalankan usaha-usaha politik dan hal ehwal Kawasannya sesuai dengan kehendak dan dasar PAS.

FASAL 43. Jawatankuasa Harian PAS Kawasan

- (1) Jawatankuasa Harian PAS Kawasan itu ialah:
 - (a) Yang Dipertua
 - (b) Timbalan Yang Dipertua
 - (c) Naib Yang Dipertua
 - (d) Ketua Dewan 'Ulamak
 - (e) Ketua Dewan Pemuda
 - (f) Ketua Dewan Muslimat
 - (g) Setiausaha
 - (h) Penolong-penolong Setiausaha
 - (i) Bendahari
 - (j) Ketua Penerangan
 - (k) Pengarah Pilihan Raya
- (2) Cukup bilang bagi menjalankan mesyuarat Jawatankuasa Harian itu ialah satu perdua daripada ahli-ahlinya yang hadir.

- (3) Jawatankuasa ini hendaklah mengadakan mesyuaratnya seberapa banyak yang boleh dan hendaklah tidak kurang daripada enam kali dalam setahun.
- (4) Yang Dipertua atau Timbalannya, jika Yang Dipertua itu berhalangan, hendaklah mempengerusikan mesyuarat-mesyuarat Jawatankuasa Kerja PAS Kawasan dan Jawatankuasa Harian PAS Kawasan itu. Jika sekiranya Yang Dipertua atau Timbalannya berhalangan juga, maka hendaklah Naibnya mempengerusikan mesyuarat itu dan jika Naibnya juga berhalangan maka hendaklah salah seorang daripada ahli-ahli yang hadir dipilih menjadi pengerusi mesyuarat itu.
- (5) Tugas-tugas Jawatankuasa Harian PAS Kawasan adalah :
- (a) Membuat sebarang keputusan untuk kelicinan dan kelancaran kerja-kerja dan pentadbiran Pejabat PAS Kawasan dan urusan-urusan biasa parti di Kawasan.
 - (b) Menimbangkan sesuatu hal yang mustahak dan terpaksa disegerakan.
 - (c) Mengadakan hubungan dan diplomasi dengan mana-mana pihak di peringkat Kawasan selagi tidak bertentangan dengan dasar-dasar parti.
 - (d) Melaksanakan tugas-tugas yang diperturunkan kepadanya oleh Jawatankuasa Kerja PAS Kawasan dari semasa ke semasa.

- (e) Semua keputusan dan tindakan yang dibuat oleh jawatankuasa ini mengikut pecahan (a), (b) dan (c) Ceraian ini hendaklah dimaklum dan disahkan oleh Jawatankuasa Kerja PAS Kawasan.

FASAL 44. Jawatankuasa Kerja PAS Cawangan

- (1) Jawatankuasa Kerja bagi sesebuah Cawangan PAS itu ialah:
 - (a) Seorang Ketua
 - (b) Seorang Naib Ketua
 - (c) Seorang Setiausaha
 - (d) Seorang Bendahari
 - (e) Seorang Ketua Penerangan
 - (f) Seorang Ketua Jawatankuasa Pemuda
 - (g) Seorang Ketua Jawatankuasa Muslimat
 - (h) Tidak lebih daripada dua belas orang dan tidak kurang daripada enam orang Ahli Jawatankuasa Biasa PAS Cawangan.
- (2) Ketua, Naib Ketua, Ketua-Ketua Jawatankuasa Pemuda dan Muslimat PAS Cawangan, serta dua pertiga daripada Ahli Jawatankuasa Kerja seperti yang disebutkan dalam Ceraian (1)(h) Fasal ini hendaklah dipilih dalam mesyuarat agung tahunan daripada ahli-ahli PAS dalam Cawangan itu, dan akan memegang jawatan masing-masing selama dua tahun atau sehingga mereka meminta berhenti atau diberhentikan

oleh Jawatankuasa Kerja PAS Cawangan dengan apa-apa sebab sekalipun.

- (3) Dengan tidak terikat kepada cerai (2) Fasal ini, sekiranya Mesyuarat Agung Tahunan PAS mana-mana Cawangan gagal melantik Ketua Jawatankuasa Pemuda atau Muslimat di atas apa-apa sebab sekalipun, maka Jawatankuasa Kerja PAS Cawangan itu adalah berkuasa melantik Ketua Jawatankuasa Kerja Pemuda atau Muslimatnya daripada ahli-ahli Pemuda PAS atau Muslimat PAS dalam Cawangan itu pada bila-bila masa di dalam dan dengan persetujuan mesyuarat Jawatankuasa Kerja itu.
- (4) Setiausaha, Bendahari dan Ketua Penerangan serta satu pertiga daripada Ahli-ahli Jawatankuasa Kerja yang disebutkan dalam Cerai (1)(h) di atas hendaklah dilantik oleh Ketua Cawangan di dalam dan dengan persetujuan mesyuarat Jawatankuasa Kerja PAS Cawangan daripada ahli-ahli PAS dalam Cawangan itu.
- (5) Ahli-ahli Jawatankuasa Kerja PAS Cawangan yang dilantik itu hendaklah memegang jawatan masing-masing selama dua tahun atau sehingga Mesyuarat Agung Tahunan yang ada pemilihan atau sehingga ia meletakkan jawatan atau diberhentikan oleh Jawatankuasa Kerja PAS Cawangan dengan apa-apa sebab sekalipun.
- (6) Jika Ketua Cawangan itu berhenti atau diberhentikan, maka Naibnya hendaklah memangku jawatan itu dan untuk mengisi kekosongan pada jawatannya itu boleh diangkat seorang daripada Ahli Jawatankuasa Kerja Cawangan itu sebagai pemangku Naib Ketua

dan akan memegang jawatan itu sehingga ke Mesyuarat Agung Tahunan Cawangan yang ada pemilihan.

- (7) Seseorang Jawatankuasa Kerja PAS Cawangan bolehlah meminta berhenti daripada Jawatankuasa itu dengan menyatakan kehendaknya dengan bersurat kepada Setiausaha PAS Cawangan itu, dan permintaannya itu bolehlah diluluskan di dalam mesyuarat Jawatankuasa PAS Cawangan. Dan mesyuarat itu kemudiannya bolehlah mengangkat penggantinya daripada ahli-ahli PAS dalam Cawangan itu.
- (8) Jawatankuasa Kerja PAS Cawangan hendaklah mengadakan mesyuaratnya sekurang-kurangnya tiga bulan sekali atau pada bila-bila masa yang dikehendaki oleh Ketua Cawangan atau dengan kehendak satu pertiga daripada Ahli Jawatankuasa Kerja PAS Cawangan itu.
- (9) Satu pertiga daripada jumlah Ahli Jawatankuasa Kerja PAS Cawangan itu hadir adalah menjadi cukup bilang bagi menjalankan mesyuaratnya.
- (10) Adapun seseorang Ahli Jawatankuasa Kerja PAS Cawangan itu bolehlah dilucutkan jawatannya dengan persetujuan mesyuarat Jawatankuasa Kerja jika gagal hadir mesyuarat sebanyak tiga kali berturut-turut tanpa sebarang makluman kepada Setiausaha PAS Cawangan.
- (11) Ketua PAS Cawangan atau jika dia berhalangan, maka Naibnya hendaklah menjadi pengerusi mesyuarat-mesyuarat Jawatankuasa Kerja PAS Cawangan.

FASAL 45. Jawatankuasa Kerja Pemuda dan Muslimat PAS Cawangan

- (1) Sebuah Jawatankuasa Pemuda dan Muslimat PAS Cawangan bolehlah ditubuhkan oleh Ketua Jawatankuasa masing-masing di dalam dan dengan persetujuan Mesyuarat PAS Cawangan berkenaan.
- (2) Jawatankuasa Kerja Pemuda dan Muslimat PAS Cawangan itu adalah terdiri daripada:
 - (a) Seorang Ketua
 - (b) Seorang Naib Ketua
 - (c) Seorang Setiausaha
 - (d) Seorang Bendahari
 - (e) Tidak lebih daripada enam orang Ahli Jawatankuasa Biasa.

FASAL 46. Tugas-tugas Jawatankuasa Kerja PAS Cawangan

- (1) Berikhtiar dengan seluas-luasnya mengembangkan pengaruh dan membanyakkan ahli-ahli PAS dalam Cawangannya.
- (2) Menjalankan tugas seperti yang diarahkan oleh PAS dari semasa ke semasa.
- (3) Menyelaras dan membimbing kegiatan-kegiatan pemuda dan muslimat di Cawangannya.
- (4) Pada amnya adalah bertanggungjawab bagi menjalankan pentadbiran Cawangan dengan

baik dan memajukan parti dalam lingkungan Cawangannya.

- (5) Mengangkat wakil-wakil ke Mesyuarat Agung Tahunan/Khas PAS Kawasan jika wakil yang diangkat oleh Mesyuarat Agung PAS Cawangan tidak lagi menjadi wakil mengikut Fasal 34(6) Perlembagaan ini.

FASAL 47. Notis Mesyuarat Jawatankuasa Kerja

- (1) Satu notis hendaklah dihantar oleh Setiausaha atau Penolong Setiausaha ketika ketiadaannya tidak kurang 7 hari daripada tarikh mesyuarat hendak dijalankan oleh mana-mana Jawatankuasa Kerja dan Jawatankuasa Harian yang disebut dalam Fasal 38, 41 dan 44 Perlembagaan ini.
- (2) Satu notis hendaklah dihantar oleh Setiausaha atau Penolong Setiausaha ketika ketiadaannya bagi Dewan-dewan Ulamak, Pemuda, Muslimat, As-Sabiqun dan Himpunan Pendukung tidak kurang 7 hari daripada tarikh mesyuarat hendak dijalankan oleh mana-mana Jawatankuasa Kerja dan Jawatankuasa Harian Dewan-dewan 'Ulamak, Pemuda, Muslimat, As-Sabiqun dan Himpunan Pendukung yang disebut dalam Fasal 56, 57, 58, 59, 60, 61, 62, 63, 64, 65, 66, 67, 68 dan 68 Perlembagaan ini.
- (3) Satu notis hendaklah dihantar oleh Setiausaha atau Penolong Setiausaha Perhubungan PAS Negeri ketika ketiadaannya tidak kurang 7 hari daripada tarikh mesyuarat hendak dijalankan oleh mana-mana Badan Perhubungan PAS Negeri dan Jawatankuasa Harian Perhubungan

Negeri yang disebut dalam Fasal 53 Perlembagaan ini.

- (4) Dengan mengabaikan Ceraian (1), (2) dan (3) Fasal ini, mana-mana mesyuarat khas Jawatankuasa Kerja yang disebut dalam Ceraian-ceraian di atas bolehlah diadakan pada bila-bila yang dikehendaki oleh Presiden atau Pesuruhjaya PAS Negeri atau Yang Dipertua PAS Kawasan atau Ketua PAS Cawangan atau Ketua Dewan-dewan berkenaan. Setiausaha Agung atau Setiausaha yang berkenaan hendaklah mengeluarkan notis mesyuarat pada bila-bila masa yang sesuai dengan apa-apa cara yang difikirkan munasabah untuk menyampaikan notis tersebut.

BAB YANG KELAPAN PEJABAT-PEJABAT PAS

FASAL 48. Pejabat Setiausaha Agung

- (1) Pejabat Setiausaha Agung ialah di Pejabat Agung PAS sebagaimana yang disebutkan dalam Fasal 2 Perlembagaan ini.
- (2) Dengan tidak terhalang oleh Fasal 2 itu, maka Pejabat Agung PAS bolehlah ditempatkan di mana jua tempat dalam negara ini yang dipersetujui oleh Presiden di dalam mesyuarat Jawatankuasa Kerja PAS Pusat ataupun dengan apa-apa cara jua dipersetujui oleh Presiden dan Jawatankuasa Kerja PAS Pusat dengan syarat mendapat kelulusan daripada Pendaftar Pertubuhan terlebih dahulu.

FASAL 49. Pejabat Setiausaha Perhubungan Negeri

- (1) Pejabat Perhubungan PAS Negeri itu ialah Pejabat Setiausaha Perhubungan PAS Negeri/Wilayah Persekutuan.
- (2) Pejabat itu boleh ditempatkan di mana-mana jua dalam negeri/Wilayah Persekutuan itu mengikut arahan Pesuruhjaya PAS Negeri/Wilayah Persekutuan dengan persetujuan Jawatankuasa Harian Perhubungan PAS Negeri/Wilayah Persekutuan itu.

FASAL 50. Pejabat Setiausaha Kawasan

- (1) Adapun Pejabat bagi satu-satu Kawasan PAS itu ialah Pejabat Setiausahanya.
- (2) Pejabat Setiausaha Kawasan itu boleh ditempatkan di mana-mana pun di dalam Kawasannya yang dipersetujui oleh Yang Dipertua Kawasan itu dalam mesyuarat Jawatankuasa Kerja PAS Kawasan itu.

FASAL 51. Pejabat Setiausaha Cawangan

- (1) Pejabat bagi satu-satu Cawangan PAS itu ialah Pejabat Setiausahanya.
- (2) Pejabat itu boleh ditempatkan di mana-mana jua tempat yang dipersetujui oleh Jawatankuasa Kerja PAS Cawangan itu di dalam Kawasan Cawangannya.

FASAL 52. Pejabat Dewan-Dewan

- (1) Pejabat Dewan-dewan 'Ulamak, Pemuda dan Muslimat PAS Pusat itu ialah di Pejabat Agung PAS atau di mana-mana juga tempat dalam negara ini yang ditetapkan oleh Jawatankuasa-jawatankuasa Kerja Dewan-dewan itu.
- (2) Pejabat Dewan-dewan 'Ulamak, Pemuda dan Muslimat PAS Negeri-negeri ialah di Pejabat Perhubungan PAS Negeri atau di mana-mana juga tempat dalam negeri itu yang dipersetujui oleh Jawatankuasa-jawatankuasa Dewan-Dewan 'Ulamak, Pemuda dan Muslimat Negeri/Wilayah Persekutuan.
- (3) Pejabat bagi Dewan-dewan 'Ulamak, Pemuda dan Muslimat PAS Kawasan ialah di Pejabat Setiausaha PAS Kawasan-kawasan, atau di mana-mana jua tempat yang dipersetujui oleh Jawatankuasa Kerja Dewan-dewan itu di dalam Kawasannya masing-masing.
- (4) Pejabat Jawatankuasa-jawatankuasa Pemuda dan Muslimat PAS Cawangan ialah di Pejabat Setiausaha PAS Cawangan atau di mana-mana jua tempat yang dipersetujui oleh Jawatankuasa-jawatankuasa Kerja Pemuda dan Muslimat PAS Cawangan di dalam lingkungan Cawangan itu.

BAB YANG KESEMBILAN

PERHUBUNGAN PAS NEGERI / WILAYAH PERSEKUTUAN

FASAL 53. Perhubungan PAS Negeri/Wilayah Persekutuan

- (1) Di dalam bab ini perkataan 'Perhubungan PAS Negeri' adalah dikira telah termasuk Perhubungan PAS Wilayah Persekutuan.
- (2) Pada tiap-tiap negeri hendaklah ditubuhkan sebuah badan yang dinamakan 'Perhubungan PAS Negeri' dan 'Perhubungan PAS Wilayah Persekutuan' bagi Wilayah Persekutuan.
- (3) Adapun ahli-ahli bagi Perhubungan PAS Negeri itu ialah:
 - (a) Seorang Pesuruhjaya
 - (b) Tidak lebih daripada tiga orang Timbalan Pesuruhjaya.
 - (c) Seorang Setiausaha
 - (d) Tidak lebih daripada tiga orang Penolong Setiausaha
 - (e) Seorang Bendahari
 - (f) Seorang Ketua Penerangan
 - (g) Seorang Pengarah Pilihan Raya
 - (h) Ketua dan Setiausaha Dewan 'Ulamak PAS Negeri
 - (i) Ketua dan Setiausaha Dewan Pemuda PAS Negeri

- (j) Ketua dan Setiausaha Dewan Muslimat PAS Negeri
 - (k) Ketua dan Setiausaha Dewan As-Sabiqun PAS Negeri
 - (l) Ketua dan Setiausaha Dewan Himpunan Pendukung PAS Negeri
 - (m) Yang Dipertua-Yang Dipertua PAS Kawasan
 - (n) Setiausaha-setiausaha PAS Kawasan
 - (o) Tidak lebih daripada tujuh orang ahli yang dilantik
- (4) Presiden hendaklah melantik seorang daripada Ahli PAS untuk menjadi Pesuruhjaya PAS Negeri bagi tiap-tiap negeri di dalam dan dengan persetujuan mesyuarat Jawatankuasa Kerja PAS Pusat, dan mereka adalah dengan sendirinya menjadi wakil Jawatankuasa Kerja PAS Pusat. Adapun Pesuruhjaya PAS Negeri itu akan memegang jawatannya selama dua tahun atau sehingga kepada Muktamar Tahunan PAS Pusat yang ada pemilihan dan boleh berhenti dan diberhentikan dengan apa-apa jua sebab sekalipun.
- (5) Pesuruhjaya PAS Negeri di dalam dan dengan persetujuan mesyuarat Perhubungan PAS Negeri hendaklah melantik Timbalan-timbalannya, Setiausaha, Penolong-penolong Setiausaha, Bendahari, Ketua Penerangan, Pengarah Pilihan Raya dan tujuh orang Ahli Perhubungan PAS Negeri menurut Ceraian (3)(b), (c), (d), (e), (f), (g) dan (o) dalam Fasal ini daripada ahli-ahli PAS dalam negeri itu.

- (6) Pesuruhjaya dengan persetujuan mesyuarat Perhubungan PAS Negeri bolehlah memberhentikan Timbalan-timbalannya, Setiausaha, Penolong-penolong Setiausaha, Bendahari, Ketua Penerangan, Pengarah Pilihan Raya dan Ahli Perhubungan PAS Negeri yang disebut dalam Ceraian (3)(o) Fasal ini dan berkuasa untuk melantik penggantinya menurut cara ceraian (5) Fasal ini.
- (7) Mesyuarat Jawatankuasa Kerja PAS Pusat pada bila-bila masa mengikut timbangannya berkuasa membubuar, menggantung dan mengambilalih pentadbiran Perhubungan PAS Negeri itu, dan pada ketika itu Pesuruhjaya PAS Negeri sahajalah yang berkuasa menjalankan tugas-tugas Perhubungan PAS Negeri dengan panduan terus daripada Jawatankuasa Kerja PAS Pusat.
- (8) Mesyuarat Perhubungan PAS Negeri itu hendaklah diadakan sekurang-kurangnya tiga bulan sekali, dan seboleh-bolehnya sebelum sidang Dewan Undangan Negeri di negeri itu atau pada bila-bila masa yang dikehendaki oleh Pesuruhjaya atau dengan permintaan bersurat daripada tidak kurang dari satu pertiga dari jumlah ahli-ahli Perhubungan PAS Negeri itu.
- (9) Jika Yang Dipertua dan Setiausaha satu-satu Kawasan PAS itu berhalangan untuk hadir dalam mana-mana mesyuarat Perhubungan PAS Negeri atau dengan sebab-sebab yang lain, maka Timbalan Yang Dipertua dan Penolong Setiausaha PAS Kawasan dengan surat mewakilkannya daripada Yang Dipertua dan Setiausaha Kawasan itu bolehlah hadir, bersuara dan mengundi di dalam mana-mana mesyuarat Perhubungan PAS Negeri itu.

- (10) Cukup bilang bagi mengadakan Mesyuarat Perhubungan PAS Negeri adalah satu perdua daripada ahli-ahlinya hadir.
- (11) Seseorang Ahli Perhubungan PAS Negeri itu bolehlah dilucutkan jawatannya dengan persetujuan mesyuarat Perhubungan PAS Negeri jika gagal hadir mesyuarat sebanyak tiga kali berturut-turut tanpa sebarang makluman kepada Setiausaha Perhubungan PAS Negeri.
- (12) Ketua-ketua dan Setiausaha-setiausaha Dewan 'Ulamak, Pemuda, Muslimat, As-Sabiqun dan Himpunan Pendukung PAS Negeri, serta Yang Dipertua dan Setiausaha PAS Kawasan yang disebut dalam Ceraian (3)(h), (i), (j), (k), (l), (m) dan (n) Fasal ini bolehlah diberhentikan jawatannya sebagai Ahli Perhubungan PAS Negeri di dalam dan dengan persetujuan mesyuarat Perhubungan PAS Negeri jika gagal hadir mesyuarat Perhubungan PAS Negeri sebanyak tiga kali berturut-turut tanpa sebarang makluman kepada Setiausaha Perhubungan PAS Negeri.
- (13) Ketua-ketua Dewan 'Ulamak, Pemuda, Muslimat As-Sabiqun dan Himpunan Pendukung PAS Negeri serta Yang Dipertua PAS Kawasan yang dilucutkan jawatannya oleh Perhubungan PAS Negeri mengikut Ceraian (12) tidaklah terlucut jawatan di peringkat Dewan-dewan dan Kawasan masing-masing. Timbalan-timbalan Ketua Dewan 'Ulamak, Pemuda, Muslimat, As-Sabiqun dan Himpunan Pendukung PAS Negeri serta Timbalan Yang Dipertua PAS Kawasan berkenaan dengan sendirinya menjadi Ahli Perhubungan PAS Negeri menggantikan Ketua-ketua Dewan 'Ulamak, Pemuda dan Muslimat

PAS Negeri, serta Yang Dipertua PAS Kawasan yang diberhentikan jawatannya.

- (14) Setiausaha-setiausaha Dewan 'Ulamak, Pemuda, Muslimat, As-Sabiqun dan Himpunan Pendukung PAS Negeri, serta Setiausaha PAS Kawasan yang dilucutkan jawatannya mengikut Fasal (12) dengan sendirinya terlucut jawatan di Dewan-dewan 'Ulamak, Pemuda, Muslimat, As-Sabiqun dan Himpunan Pendukung PAS Negeri serta PAS Kawasan berkenaan. Ketua-ketua Dewan 'Ulamak, Pemuda, Muslimat, As-Sabiqun dan Himpunan Pendukung PAS Negeri hendaklah melantik seorang Setiausaha Dewan baru dari kalangan mana-mana ahli Dewan berkenaan, manakala Yang Dipertua PAS Kawasan hendaklah melantik seorang Setiausaha PAS Kawasan dari kalangan Ahli PAS dalam Kawasan berkenaan untuk menggantikan Setiausaha yang dilucutkan jawatannya oleh Perhubungan PAS Negeri.
- (15) Pengerusi bagi mesyuarat Perhubungan PAS Negeri itu ialah Pesuruhjaya PAS Negeri, dan jika ia berhalangan atau apa-apa jua sebab yang ia tidak dapat hadir dalam mesyuarat tersebut, maka salah seorang daripada Timbalan-timbalannya hendaklah mempengerusikan mesyuarat tersebut.
- (16) Jika Ketua-ketua Dewan 'Ulamak, Pemuda, Muslimat, As-Sabiqun dan Himpunan Pendukung PAS Negeri itu berhalangan atau apa-apa jua sebab yang tidak dapat hadir dalam mana-mana mesyuarat Perhubungan PAS Negeri, maka Timbalan Ketua masing-masing bolehlah diwakili secara bersurat untuk hadir, bersuara dan mengundi di dalam mesyuarat-mesyuarat itu.

FASAL 54. Tugas-tugas Perhubungan PAS Negeri

(1) Pesuruhjaya

- (a) Bertanggungjawab sebagai wakil Jawatankuasa Kerja PAS Pusat yang mengetuai kesempurnaan perjalanan pentadbiran, gerakan dan kegiatan PAS dalam negerinya.
- (b) Mengambil segala langkah yang perlu bagi menjaga dan memelihara perpaduan persefahaman dan kesungguhan Ahli-ahli Perhubungan PAS Negeri dalam menjalankan tugas masing-masing.
- (c) Melantik Timbalan-timbalan Pesuruhjaya, Setiausaha, Penolong-penolong Setiausaha, Bendahari, Ketua Penerangan, Pengarah Pilihan Raya dan Ahli Perhubungan PAS Negeri di dalam dan dengan persetujuan mesyuarat Perhubungan PAS Negeri menurut Fasal 53(5).
- (d) Menetap dan mempengerusikan mesyuarat-mesyuarat Perhubungan dan Jawatankuasa Harian PAS Negeri.

(2) Timbalan-timbalan Pesuruhjaya

- (a) Membantu tugas-tugas Pesuruhjaya PAS Negeri.
- (b) Mempengerusikan mesyuarat-mesyuarat Perhubungan dan Jawatankuasa Harian PAS Negeri apabila Pesuruhjaya berhalangan atau tidak hadir.

(3) Setiausaha

- (a) Bertanggungjawab secara langsung kepada Pesuruhjaya dan mesyuarat Perhubungan PAS Negeri.
- (b) Bertanggungjawab atas kesempurnaan dan pelaksanaan pentadbiran Pejabat Perhubungan PAS Negeri dan pengambilan kakitangannya dengan persetujuan mesyuarat Jawatankuasa Harian PAS Negeri.
- (c) Bertanggungjawab atas kesempurnaan semua mesyuarat Perhubungan dan Jawatankuasa Harian PAS Negeri.
- (d) Menyediakan sebarang penyata atau laporan mengenai kerja dan kemajuan PAS Negeri bagi tujuan Muktamar PAS Pusat dan mesyuarat-mesyuarat Perhubungan dan Jawatankuasa Harian PAS Negeri.

(4) Penolong Setiausaha

- (a) Bertanggungjawab kepada Setiausaha Perhubungan PAS Negeri.
- (b) Membantu Setiausaha Perhubungan PAS Negeri dalam urusan pentadbiran Pejabat PAS Negeri dan penyelarasan kepada kerja-kerja dan tugas-tugas yang diperuntukkan kepada Setiausaha Dewan-dewan 'Ulamak, Pemuda dan Muslimat.
- (c) Membantu tugas-tugas Setiausaha Perhubungan PAS Negeri.

(5) Bendahari

- (a) Bertanggungjawab atas kesempurnaan kewangan Perhubungan PAS Negeri.
- (b) Bertanggungjawab menyediakan penyata tahunan kewangan Perhubungan PAS Negeri untuk diperiksa oleh Pemeriksa Kira-kira PAS Negeri dan membentangkan penyata itu kepada mesyuarat terakhir Perhubungan PAS Negeri sebelum daripada Muktamar Tahunan PAS Pusat.
- (c) Menyediakan rancangan-rancangan untuk mengukuhkan kedudukan kewangan Perhubungan PAS Negeri.

(6) Ketua Penerangan

- (a) Bertanggungjawab atas kesempurnaan kegiatan penerangan PAS Negeri.
- (b) Menyedia, menyusun dan menyelaraskan program dan kegiatan penerangan PAS Negeri.
- (c) Bertanggungjawab melaporkan kepada Pesuruhjaya dan Badan Perhubungan PAS Negeri atas segala tindakan dan usaha yang dijalankan berhubung dengan kegiatan penerangan PAS Negeri.

(7) Pengarah Pilihan Raya

- (a) Bertanggungjawab atas kesempurnaan seluruh urusan pilihan raya PAS Negeri

- (b) Menyedia, menyusun dan menyelaraskan aktiviti-aktiviti pilihan raya PAS Negeri
 - (c) Bertanggungjawab melaporkan kepada Pesuruhjaya PAS Negeri dan Badan Perhubungan PAS Negeri atas segala usaha dan tindakan berhubung dengan kegiatan pilihan raya
- (8) Ahli-ahli Perhubungan
- (a) Menubuh dan/atau mengawasi PAS Kawasan-kawasan dalam negerinya serta menyatukan sikap dan pentadbirannya mengikut Perlembagaan PAS, Aturan dan Peraturan dan sebarang aturan parti dari semasa ke semasa.
 - (b) Membantu Jawatankuasa Kerja PAS Pusat menubuhkan Cawangan-cawangan PAS di tempat yang belum ditubuhkan PAS Kawasan mengikut Fasal 37(2).
 - (c) Menubuhkan Dewan-dewan 'Ulamak, Pemuda dan Muslimat PAS Negeri serta membantunya dari semasa ke semasa dengan kerjasama Dewan-dewan 'Ulamak, Pemuda dan Muslimat PAS Pusat.
 - (d) Menyedia dan mengemukakan rancangan-rancangan, polisi-polisi dan menentukan sikap serta pendirian Perhubungan PAS Negeri itu yang sesuai dengan dasar dan tujuan PAS kepada ahli-ahli parti yang menjadi pemutus dalam sesebuah negeri yang dikuasai oleh PAS, dan meneliti perjalanan kerajaan selaras dengan kehendak Parti.

- (e) Menyatukan sikap ahli-ahli PAS di dalam Dewan Undangan Negeri supaya sebarang tindakan di dalam dan di luar dewan itu dapat dipertanggungjawabkan kepada dasar dan keutuhan parti.
- (f) Meneliti dan mengkaji sebarang polisi, rancangan dan sikap kerajaan di negeri yang tidak dikuasai oleh PAS untuk memudahkan sebarang langkah yang diperlu diambil oleh ahli-ahli PAS di dalam atau di luar dewan.
- (g) Memberi sepenuh kerjasama kepada Pejabat Agung PAS demi untuk menyatukan sikap dan tindakan dalam segenap bidang.
- (h) Mengemukakan pandangan dan cadangan kepada Jawatankuasa Kerja PAS Pusat bagi kebaikan dan kemajuan PAS.
- (i) Membentuk Jawatankuasa-jawatankuasa kecil atau lajnah-lajnah yang difikirkan patut bagi melaksanakan tugas-tugas tertentu.

FASAL 55. Jawatankuasa Harian PAS Negeri.

- (1) Perhubungan PAS Negeri-negeri hendaklah menubuhkan Jawatankuasa Hariannya bagi menjalankan tugas-tugas biasa dan menyelesaikan perkara-perkara yang perlu disegerakan demi untuk kelancaran dan kelicinan pentadbiran dan perjalanan Perhubungan PAS Negeri itu.
- (2) Anggota-anggota bagi Jawatankuasa Harian PAS Negeri-negeri itu hendaklah terdiri daripada:

- (a) Pesuruhjaya
 - (b) Timbalan-timbalan Pesuruhjaya
 - (c) Setiausaha
 - (d) Bendahari
 - (e) Ketua Penerangan
 - (f) Pengarah Pilihan Raya
 - (g) Ketua Dewan 'Ulamak PAS Negeri
 - (h) Ketua Dewan Pemuda PAS Negeri
 - (i) Ketua Dewan Muslimat PAS Negeri
- (3) Jawatankuasa Harian PAS Negeri itu hendaklah mengadakan mesyuaratnya seberapa banyak yang boleh dan hendaklah tidak kurang dari enam kali dalam setahun.
- (4) Cukup bilang bagi mengadakan Mesyuarat Jawatankuasa Harian Perhubungan PAS Negeri adalah satu perdua daripada ahli-ahlinya hadir.
- (5) Pengerusi bagi mesyuarat Jawatankuasa Harian PAS Negeri itu ialah Pesuruhjaya PAS Negeri, dan jika ia berhalangan atau apa-apa jua sebab yang ia tidak dapat hadir dalam mesyuarat tersebut, maka salah seorang daripada Timbalan-timbalannya hendaklah mempengerusikan mesyuarat tersebut.
- (6) Sekiranya Setiausaha Perhubungan berkeuzuran dan tidak dapat menghadiri mesyuarat Jawatankuasa Harian PAS Negeri, maka mana-mana seorang Penolong Setiausaha Perhubungan PAS Negeri bolehlah diwakilkan secara bersurat dan hadir dalam mesyuarat tersebut.

- (7) Jika Ketua-ketua Dewan 'Ulamak dan Pemuda, Muslimat PAS Negeri itu berhalangan atau apa-apa jua sebab yang tidak dapat hadir dalam mana-mana mesyuarat Jawatankuasa Harian PAS Negeri, maka Timbalan Ketua masing-masing bolehlah diwakili secara bersurat untuk hadir, bersuara dan mengundi di dalam mesyuarat itu.
- (8) Ketua-ketua Dewan 'Ulamak, Pemuda dan Muslimat PAS Negeri yang dilucutkan jawatannya sebagai Ahli Perhubungan PAS Negeri mengikut Fasal 53 (12) dengan sendirinya terlucut jawatan sebagai Ahli Jawatankuasa Harian PAS Negeri yang disebut dalam Ceraian (2)(g), (h) dan (i) Fasal ini. Tempat mereka dalam Jawatankuasa Harian PAS Negeri akan digantikan oleh Timbalan masing-masing.
- (9) Tugas-tugas Jawatankuasa Harian PAS Negeri.
- (a) Membuat sebarang keputusan untuk kelicinan perjalanan dan kerja-kerja pentadbiran Pejabat Perhubungan PAS Negeri dan urusan-urusan dalam negeri itu.
 - (b) Menimbangkan sesuatu hal yang mustahak yang terpaksa disegerakan, dan memaklumkan sebarang tindakan dan keputusan yang diambil kepada mesyuarat Perhubungan PAS Negeri bagi pengesahannya.
 - (c) Mengadakan hubungan dan diplomasi dengan pelbagai pihak di peringkat Negeri

selagi tidak bertentangan dengan dasar-dasar parti.

- (d) Melaksanakan tugas-tugas tertentu yang diperturunkan kepadanya oleh mesyuarat Perhubungan PAS Negeri.
- (e) Semua keputusan dan tindakan yang dibuat oleh jawatankuasa ini mengikut Ceraian (1), (2) dan (3) Fasal ini hendaklah dimaklum dan disahkan oleh Perhubungan PAS Negeri.

BAB YANG KESEPULUH DARIHAL DEWAN-DEWAN

FASAL 56. Dewan 'Ulamak PAS Pusat

- (1) Sebuah Dewan 'Ulamak PAS Pusat iaitu dewan yang tertinggi dalam PAS hendaklah ditubuhkan melalui Muktamar Tahunannya.
- (2) Ahli bagi Dewan 'Ulamak ialah tuan-tuan guru atau/dan siswazah-siswazah lulusan apa-apa bidang pengajian Islam dari mana-mana Institusi Pengajian Tinggi atau mana-mana orang yang diiktiraf menguasai pengajian Islam yang telah menjadi Ahli PAS.
- (3) Dewan 'Ulamak PAS Pusat hendaklah menyediakan dan menyimpan sebuah buku besar daftar ahli yang dicatatkan di dalamnya Nama, No. Kad Pengenalan, Alamat, Pekerjaan, Kelulusan Pengajian dan Nombor Sijil Keahliannya dalam PAS. Buku itu hendaklah disimpan di Pejabat Setiausaha Dewan 'Ulamak PAS Pusat.

- (4) Jawatankuasa Kerja Dewan 'Ulamak PAS Pusat itu ialah:
- (a) Seorang Ketua
 - (b) Seorang Timbalan Ketua
 - (c) Seorang Naib Ketua
 - (d) Seorang Setiausaha
 - (e) Tidak lebih daripada tiga orang Penolong Setiausaha
 - (f) Seorang Bendahari
 - (g) Seorang Ketua Penerangan
 - (h) Seorang Pengarah Pilihan Raya, dan
 - (i) Dua puluh dua orang Ahli Jawatankuasa Kerja Biasa.

FASAL 57. Dewan Pemuda PAS Pusat

- (1) Sebuah Dewan Pemuda PAS Pusat hendaklah ditubuhkan melalui Muktamar Tahunannya.
- (2) Pemuda-pemuda Ahli PAS yang berumur tidak lebih dari empat puluh tahun yang dikira pada 1 Januari pada tahun berkenaan, dengan sendirinya menjadi ahli bagi Dewan Pemuda PAS.
- (3) Sebuah buku besar daftar ahli bagi Dewan Pemuda PAS Pusat yang dicatatkan di dalamnya Nama, Nombor Kad Pengenalan, Umur, Alamat, Pekerjaan dan Nombor Sijil Keahliannya dalam PAS hendaklah disediakan dan disimpan di Pejabat Dewan Pemuda PAS Pusat.

- (4) Jawatankuasa Kerja Dewan Pemuda PAS Pusat itu adalah terdiri dari:
- (a) Seorang Ketua
 - (b) Seorang Timbalan Ketua
 - (c) Seorang Naib Ketua
 - (d) Seorang Setiausaha
 - (e) Tidak lebih daripada tiga orang Penolong Setiausaha
 - (f) Seorang Bendahari
 - (g) Seorang Ketua Penerangan
 - (h) Seorang Pengarah Pilihan Raya, dan
 - (i) Dua puluh dua orang Ahli Jawatankuasa Biasa.

FASAL 58. Dewan Muslimat PAS Pusat

- (1) Sebuah Dewan Muslimat PAS Pusat hendaklah ditubuhkan melalui Muktamar Tahunannya.
- (2) Muslimat-muslimat yang telah menjadi Ahli PAS dengan sendirinya menjadi ahli bagi Dewan Muslimat PAS.
- (3) Sebuah buku besar daftar ahli bagi Dewan itu yang dicatatkan di dalamnya, Nama, Nombor Kad Pengenalan, Alamat, Pekerjaan dan Nombor Sijil Keahliannya dalam PAS hendaklah disediakan dan disimpan oleh Setiausaha Dewan itu di Pejabat Dewan Muslimat PAS Pusat.

- (4) Jawatankuasa Kerja Dewan Muslimat PAS Pusat itu adalah terdiri dari:
- (a) Seorang Ketua
 - (b) Seorang Timbalan Ketua
 - (c) Seorang Naib Ketua
 - (d) Seorang Setiausaha
 - (e) Tidak lebih daripada tiga orang Penolong Setiausaha
 - (f) Seorang Bendahari
 - (g) Seorang Ketua Penerangan
 - (h) Seorang Pengarah Pilihan Raya, dan
 - (i) Dua puluh dua orang Ahli Jawatankuasa Kerja Biasa.

FASAL 59. Dewan As-Sabiqun PAS Pusat

- (1) Sebuah Dewan As-Sabiqun PAS Pusat hendaklah ditubuhkan melalui Muktamar Tahunannya.
- (2) Ahli-ahli PAS yang berumur 60 tahun ke atas layak memohon untuk menjadi ahli bagi Dewan As-Sabiqun PAS.
- (3) Sebuah buku besar daftar ahli bagi Dewan itu yang dicatatkan di dalamnya, Nama, Nombor Kad Pengenalan, Umur, Alamat, Pekerjaan dan Nombor Sijil Keahliannya dalam PAS hendaklah disediakan dan disimpan oleh Setiausaha Dewan itu di Pejabat Dewan As-Sabiqun PAS Pusat.

- (4) Jawatankuasa Kerja Dewan As-Sabiqun PAS Pusat itu adalah terdiri dari:
- (a) Seorang Ketua
 - (b) Seorang Timbalan Ketua
 - (c) Seorang Naib Ketua
 - (d) Seorang Setiausaha
 - (e) Tidak lebih daripada tiga orang Penolong Setiausaha
 - (f) Seorang Bendahari
 - (g) Seorang Ketua Penerangan
 - (h) Seorang Pengarah Pilihan Raya, dan
 - (i) Dua puluh dua orang Ahli Jawatankuasa Kerja Biasa.
- (5) Seseorang yang memegang mana-mana jawatan dalam parti selain daripada jawatan yang berkaitan dengan Dewan as-Sabiqun adalah tidak layak dipilih dan dilantik untuk memegang apa-apa jawatan dalam Dewan As-Sabiqun.

FASAL 60. Dewan Himpunan Pendukung PAS Pusat

- (1) Sebuah Dewan Himpunan Pendukung PAS Pusat hendaklah ditubuhkan melalui Muktamar Tahunannya.
- (2) Ahli-ahli Bersekutu PAS dengan sendirinya menjadi ahli bagi Dewan Himpunan Pendukung PAS.

- (3) Sebuah buku besar daftar ahli bagi Dewan itu yang dicatatkan di dalamnya, Nama, Nombor Kad Pengenalan, Agama, Alamat, Pekerjaan dan Nombor Sijil Keahliannya dalam PAS hendaklah disediakan dan disimpan oleh Setiausaha Dewan itu di Pejabat Dewan Himpunan Pendukung PAS Pusat.
- (4) Jawatankuasa Kerja Dewan Himpunan Pendukung PAS Pusat itu adalah terdiri dari:
 - (a) Seorang Ketua
 - (b) Seorang Timbalan Ketua
 - (c) Seorang Naib Ketua
 - (d) Seorang Setiausaha
 - (e) Tidak lebih daripada tiga orang Penolong Setiausaha
 - (f) Seorang Bendahari
 - (g) Seorang Ketua Penerangan
 - (h) Seorang Pengarah Pilihan Raya, dan
 - (i) Dua puluh dua orang Ahli Jawatankuasa Kerja Biasa.

FASAL 61. Dewan 'Ulamak PAS Negeri dan Wilayah Persekutuan

- (1) Sebuah Dewan 'Ulamak PAS Negeri dan Wilayah Persekutuan yang kemudiannya disebut 'Dewan 'Ulamak PAS Negeri' sahaja hendaklah ditubuhkan oleh Badan Perhubungan PAS Negeri dan Wilayah Persekutuan dengan kerjasama Dewan 'Ulamak PAS Pusat yang ahlinya terdiri daripada mereka yang disebutkan

dalam Fasal 56(2) Perlembagaan ini, yang telah menjadi Ahli PAS dalam negeri itu.

- (2) Sebuah buku daftar ahli bagi Dewan 'Ulamak PAS Negeri yang dicatatkan di dalamnya, Nama, Nombor Kad Pengenalan, Alamat, Pekerjaan, Kelulusan Pengajian dan Nombor Sijil Keahliannya dalam PAS hendaklah disediakan dan disimpan di Pejabat Setiausaha Dewan 'Ulamak PAS Negeri itu.
- (3) Jawatankuasa Kerja Dewan 'Ulamak PAS Negeri itu hendaklah terdiri dari:
 - (a) Seorang Ketua
 - (b) Seorang Timbalan Ketua
 - (c) Seorang Naib Ketua
 - (d) Seorang Setiausaha
 - (e) Tidak lebih daripada tiga orang Penolong Setiausaha
 - (f) Seorang Bendahari
 - (g) Seorang Ketua Penerangan
 - (h) Seorang Pengarah Pilihan Raya, dan
 - (i) Lapan belas orang Ahli Jawatankuasa Biasa.

FASAL 62. Dewan Pemuda PAS Negeri dan Wilayah Persekutuan

- (1) Sebuah Dewan Pemuda PAS Negeri dan Wilayah Persekutuan yang kemudiannya disebut 'Dewan Pemuda PAS Negeri' sahaja hendaklah

ditubuhkan oleh Badan Perhubungan PAS Negeri dan Wilayah Persekutuan dengan kerjasama Dewan Pemuda PAS Pusat yang dianggotai oleh pemuda-pemuda Ahli PAS dalam negeri itu sepertimana yang disebutkan dalam Fasal 57(2) Perlembagaan ini.

- (2) Sebuah buku daftar ahli bagi Dewan Pemuda PAS Negeri yang dicatatkan di dalamnya, Nama, Nombor Kad Pengenalan, Umur, Alamat, Pekerjaan dan Nombor Sijil Keahliannya dalam PAS hendaklah disedia dan disimpan di Pejabat Dewan Pemuda PAS Negeri itu.
- (3) Jawatankuasa Kerja Dewan Pemuda PAS Negeri itu adalah terdiri dari:
 - (a) Seorang Ketua
 - (b) Seorang Timbalan Ketua
 - (c) Seorang Naib Ketua
 - (d) Seorang Setiausaha
 - (e) Tidak lebih daripada tiga orang Penolong Setiausaha
 - (f) Seorang Bendahari
 - (g) Seorang Ketua Penerangan
 - (h) Seorang Pengarah Pilihan Raya, dan
 - (i) Lapan belas orang Ahli Jawatankuasa yang lain.

FASAL 63. Dewan Muslimat PAS Negeri dan Wilayah Persekutuan

- (1) Sebuah Dewan Muslimat PAS Negeri dan Wilayah Persekutuan yang kemudiannya disebut 'Dewan Muslimat PAS Negeri' sahaja hendaklah ditubuhkan oleh Perhubungan PAS Negeri dan Wilayah Persekutuan dengan kerjasama Dewan Muslimat PAS Pusat yang dianggotai oleh Muslimat-muslimat PAS sepertimana yang disebutkan dalam Fasal 58(2) Perlembagaan ini.
- (2) Sebuah buku daftar ahli bagi Dewan Muslimat PAS Negeri yang dicatatkan di dalamnya, Nama, Nombor Kad Pengenalan, Alamat, Pekerjaan dan Nombor Sijil Keahliannya dalam PAS hendaklah disediakan oleh Setiausaha dan disimpan di Pejabat Dewan Muslimat PAS Negeri itu.
- (3) Jawatankuasa Kerja Dewan Muslimat PAS Negeri itu adalah terdiri dari:
 - (a) Seorang Ketua
 - (b) Seorang Timbalan Ketua
 - (c) Seorang Naib Ketua
 - (d) Seorang Setiausaha
 - (e) Tidak lebih daripada tiga orang Penolong Setiausaha
 - (f) Seorang Bendahari
 - (g) Seorang Ketua Penerangan
 - (h) Seorang Pengarah Pilihan Raya, dan

- (i) Lapan belas orang Ahli Jawatankuasa Biasa.

FASAL 64. Dewan As-Sabiqun PAS Negeri dan Wilayah Persekutuan

- (1) Sebuah Dewan As-Sabiqun PAS Negeri dan Wilayah Persekutuan yang kemudiannya disebut 'Dewan As-Sabiqun PAS Negeri' sahaja hendaklah ditubuhkan oleh Perhubungan PAS Negeri dan Wilayah Persekutuan dengan kerjasama Dewan As-Sabiqun PAS Pusat yang dianggotai oleh ahli-ahli PAS yang berumur 60 tahun ke atas sepertimana yang disebutkan dalam Fasal 59(2) Perlembagaan ini.
- (2) Sebuah buku daftar ahli bagi Dewan As-Sabiqun PAS Negeri yang dicatatkan di dalamnya, Nama, Nombor Kad Pengenalan, Umur, Alamat, Pekerjaan dan Nombor Sijil Keahliannya dalam PAS hendaklah disediakan oleh Setiausaha dan disimpan di Pejabat Dewan As-Sabiqun PAS Negeri itu.
- (3) Jawatankuasa Kerja Dewan As-Sabiqun PAS Negeri itu adalah terdiri dari:
 - (a) Seorang Ketua
 - (b) Seorang Timbalan Ketua
 - (c) Seorang Naib Ketua
 - (d) Seorang Setiausaha
 - (e) Tidak lebih daripada tiga orang Penolong Setiausaha
 - (f) Seorang Bendahari

- (g) Seorang Ketua Penerangan
- (h) Seorang Pengarah Pilihan Raya, dan
- (i) Lapan belas orang Ahli Jawatankuasa Biasa.

FASAL 65. Dewan Himpunan Pendukung PAS Negeri dan Wilayah Persekutuan

- (1) Sebuah Dewan Himpunan Pendukung PAS Negeri dan Wilayah Persekutuan yang kemudiannya disebut 'Dewan Himpunan Pendukung PAS Negeri' sahaja hendaklah ditubuhkan oleh Perhubungan PAS Negeri dan Wilayah Persekutuan dengan kerjasama Dewan Himpunan Pendukung PAS Pusat yang dianggotai oleh Ahli-ahli Bersekutu PAS sepertimana yang disebutkan dalam Fasal 60(2) Perlembagaan ini.
- (2) Sebuah buku daftar ahli bagi Dewan Himpunan Pendukung PAS Negeri yang dicatatkan di dalamnya, Nama, Nombor Kad Pengenalan, Agama, Alamat, Pekerjaan dan Nombor Sijil Keahliannya dalam PAS hendaklah disediakan oleh Setiausaha dan disimpan di Pejabat Dewan Himpunan Pendukung PAS Negeri itu.
- (3) Jawatankuasa Kerja Dewan Himpunan Pendukung PAS Negeri itu adalah terdiri dari:
 - (a) Seorang Ketua
 - (b) Seorang Timbalan Ketua
 - (c) Seorang Naib Ketua
 - (d) Seorang Setiausaha

- (e) Tidak lebih daripada tiga orang Penolong Setiausaha
- (f) Seorang Bendahari
- (g) Seorang Ketua Penerangan
- (h) Seorang Pengarah Pilihan Raya, dan
- (i) Lapan belas orang Ahli Jawatankuasa Kerja Biasa.

FASAL 66. Dewan 'Ulamak PAS Kawasan

- (1) Sebuah Dewan 'Ulamak PAS Kawasan bolehlah ditubuhkan oleh Dewan 'Ulamak PAS Negeri dengan kerjasama Dewan 'Ulamak PAS Pusat, Badan Perhubungan PAS Negeri dan PAS Kawasan dalam sebuah Kawasan PAS atau Kawasan Parlimen dengan syarat telah sedia ada tidak kurang daripada dua puluh lima (25) orang 'Ulamak-'ulamak Ahli PAS dalam Kawasan itu.
- (2) Sebuah buku daftar ahli bagi Dewan 'Ulamak PAS Kawasan yang dicatatkan di dalamnya, Nama, Nombor Kad Pengenalan, Alamat, Pekerjaan, Kelulusan Pengajian dan Nombor Sijil Keahliannya dalam PAS hendaklah disediakan dan disimpan oleh Setiausaha di Pejabat Dewan 'Ulamak PAS Kawasan itu.
- (3) Jawatankuasa Kerja Dewan 'Ulamak PAS Kawasan itu adalah terdiri dari:
 - (a) Seorang Ketua
 - (b) Seorang Timbalan Ketua
 - (c) Seorang Naib Ketua

- (d) Seorang Setiausaha
- (e) Tidak lebih daripada tiga orang Penolong Setiausaha
- (f) Seorang Bendahari
- (g) Seorang Ketua Penerangan
- (h) Seorang Pengarah Pilihan Raya, dan
- (i) Tidak lebih daripada dua belas orang Ahli Jawatankuasa Biasa.

FASAL 67. Dewan Pemuda PAS Kawasan

- (1) Sebuah Dewan Pemuda PAS Kawasan bolehlah ditubuhkan oleh Dewan Pemuda PAS Negeri dengan kerjasama Dewan Pemuda PAS Pusat, Badan Perhubungan PAS Negeri dan PAS Kawasan dalam sebuah Kawasan PAS atau Kawasan Parlimen dengan syarat telah sedia ada tidak kurang daripada lima puluh orang pemuda-pemuda Ahli PAS dalam Kawasan itu.
- (2) Sebuah buku daftar ahli bagi Dewan Pemuda PAS Kawasan yang dicatatkan di dalamnya, Nama, Nombor Kad Pengenalan, Umur, Alamat, Pekerjaan dan Nombor Sijil Keahliannya dalam PAS hendaklah disediakan dan disimpan oleh Setiausaha di Pejabat Dewan Pemuda PAS Kawasan itu.
- (3) Jawatankuasa Kerja Dewan Pemuda PAS Kawasan itu adalah terdiri dari:
 - (a) Seorang Ketua
 - (b) Seorang Timbalan Ketua

- (c) Seorang Naib Ketua
- (d) Seorang Setiausaha
- (e) Tidak lebih daripada tiga orang Penolong Setiausaha
- (f) Seorang Bendahari
- (g) Seorang Ketua Penerangan
- (h) Seorang Pengarah Pilihan Raya, dan
- (i) Tidak lebih daripada dua belas orang Ahli Jawatankuasa Biasa.

FASAL 68. Dewan Muslimat PAS Kawasan

- (1) Sebuah Dewan Muslimat PAS Kawasan bolehlah ditubuhkan oleh Dewan Muslimat PAS Negeri dengan kerjasama Dewan Muslimat PAS Pusat, Perhubungan PAS Negeri dan PAS Kawasan dalam sebuah Kawasan PAS atau Kawasan Parlimen dengan syarat telah sedia ada tidak kurang daripada lima puluh orang Muslimat Ahli PAS di dalam Kawasan itu.
- (2) Sebuah buku daftar ahli bagi Dewan Muslimat PAS Kawasan yang dicatatkan di dalamnya, Nama, Nombor Kad Pengenalan, Alamat, Pekerjaan dan Nombor Sijil Keahliannya dalam PAS hendaklah disediakan dan disimpan oleh Setiausaha di Pejabat Dewan Muslimat Kawasan itu.
- (3) Jawatankuasa Kerja Dewan Muslimat PAS Kawasan itu adalah terdiri dari:
 - (a) Seorang Ketua

- (b) Seorang Timbalan Ketua
- (c) Seorang Naib Ketua
- (d) Seorang Setiausaha
- (e) Tidak lebih daripada tiga orang Penolong Setiausaha
- (f) Seorang Bendahari
- (g) Seorang Ketua Penerangan
- (h) Seorang Pengarah Pilihan Raya, dan
- (i) Tidak lebih daripada dua belas orang Ahli Jawatankuasa Biasa.

BAB YANG KESEBELAS KEWANGAN DAN PEMEGANG AMANAH

FASAL 69. Sumber-sumber Kewangan

- (1) Adapun sumber-sumber kewangan PAS ialah dari :
 - (a) Bayaran permulaan masuk menjadi ahli.
 - (b) Yuran tahunan ahli
 - (c) Derma-derma
 - (d) Lain-lain pendapatan yang halal pada sisi undang-undang negara dan tidak berlawanan dengan hukum-hukum dan ajaran Islam serta tidak merugikan perjuangan PAS.
- (2) Bayaran permulaan masuk menjadi ahli

- (a) Seseorang Ahli PAS itu hendaklah membayar kepada PAS melalui Cawangan dan/atau Kawasan PAS atau terus ke Pejabat Agung suatu bayaran masuk menjadi ahli sebanyak RM 2.00 atau sebanyak mana yang ditetapkan oleh mesyuarat Jawatankuasa Kerja PAS Pusat dari semasa ke semasa, dengan syarat mendapat kebenaran Pendaftar Pertubuhan terlebih dahulu.
 - (b) Empat puluh peratus wang bayaran masuk menjadi ahli itu adalah terserah kepada penggunaan Pejabat Agung PAS, dua puluh peratus kepada Badan Perhubungan PAS Negeri, dua puluh peratus kepada PAS Kawasan dan dua puluh peratus yang baki itu adalah kepada PAS Cawangan.
- (3) (a) Tiap-tiap Ahli PAS hendaklah membayar yuran tahunannya sebanyak RM3.00 atau yuran sekaligus untuk seumur hidupnya sebanyak RM100.00 kepada PAS Kawasan-kawasan melalui Cawangan-cawangan atau terus kepada PAS Kawasan atau Pejabat Agung sebanyak mana yang ditetapkan oleh mesyuarat Jawatankuasa Kerja PAS Pusat sebelum Mesyuarat Agung PAS Cawangan atau Kawasannya atau sebelum Mukhtamar Tahunan PAS jika ianya dibayar terus ke Pejabat Agung PAS.
- (b) Tiap-tiap Ahli PAS yang membayar yuran sekaligus untuk seumur hidup tidak lagi perlu membayar yuran tahunan.

- (c) Ahli-ahli yang berdaftar terus hendaklah membayar terus yuran tahunannya kepada Pejabat Agung PAS.
- (d) PAS Kawasan hendaklah membayar yuran tetap tahunan (yuran tetap PAS Kawasan) kepada Pejabat Agung PAS mengikut jumlah ahli yang ada di dalam Kawasannya bagi tahun itu sebanyak lima puluh peratus daripada jumlah yuran tahunan yang ditetapkan bagi tiap-tiap ahli. Badan Perhubungan PAS Negeri adalah berhak mendapat peruntukan yuran tetap tahunan PAS Kawasan yang membayar kepada Pejabat Agung itu sebanyak sepuluh peratus.
- (e) Cawangan-cawangan adalah berhak mendapat peruntukan wang yuran tahunan ahli-ahli Cawangannya daripada Kawasan-kawasan sebanyak dua puluh peratus.
- (f) Tiap-tiap seorang yang menjadi Ahli PAS hendaklah menjelaskan segala yuran-yurannya sebelum penghujung tahun kewangan PAS.
- (g) Yuran sekaligus yang dibayar oleh seorang Ahli PAS hendaklah diperuntukan sebanyak empat puluh peratus kepada Pejabat Agung PAS, sepuluh peratus kepada Badan Perhubungan PAS Negeri, tiga puluh peratus kepada PAS Kawasan dan dua puluh peratus kepada PAS Cawangan.

FASAL 70. Peraturan Kewangan

- (1) Adapun tahun kewangan PAS itu ialah dari 1hb Januari hingga 31hb Disember pada tiap-tiap tahun.
- (2) Kuasa Menandatangani Cek
 - (a) Wang Pejabat Agung hendaklah disimpan dalam mana-mana bank yang ada mengamalkan sistem perbankan Islam yang dipersetujui mesyuarat Jawatankuasa Harian PAS Pusat. Presiden, Setiausaha Agung dan Bendahari PAS Pusat adalah berkuasa menandatangani cek-cek Pejabat Agung. Tandatangan dua orang dari pegawai ini adalah sah dengan syarat seorang daripadanya ialah Bendahari PAS Pusat.
 - (b) Adapun berkenaan dengan wang Lajnah-lajnah atau Jawatankuasa Kecil PAS Pusat, bolehlah disimpan di dalam mana-mana bank yang ada mengamalkan sistem perbankan Islam yang dipersetujui oleh Jawatankuasa Kerja PAS Pusat. Jawatankuasa Kerja PAS Pusat bolehlah melantik dan memberi kuasa menandatangani cek kepada mana-mana Ahli Jawatankuasa berkaitan dengan syarat seorang daripadanya adalah Bendahari PAS Pusat .
 - (c) Wang Perhubungan PAS Negeri bolehlah disimpan di dalam mana-mana bank yang ada mengamalkan sistem perbankan Islam yang dipersetujui oleh Jawatankuasa Harian PAS Negeri. Pesuruhjaya atau seorang

Timbalannya, mengikut mana yang dipersetujui oleh Jawatankuasa Perhubungan, Setiausaha Perhubungan dan Bendahari Perhubungan adalah berkuasa menandatangani cek-cek Perhubungan Negeri, tandatangan dua orang dari pegawai ini adalah sah dengan syarat seorang daripadanya ialah Bendahari Perhubungan.

- (d) Wang PAS Kawasan bolehlah disimpan di dalam mana-mana bank yang ada mengamalkan sistem perbankan Islam yang dipersetujui oleh Jawatankuasa Harian PAS Kawasan. Yang Dipertua PAS Kawasan atau Timbalannya, mengikut mana yang dipersetujui oleh Jawatankuasa Harian PAS Kawasan, Setiausaha PAS Kawasan dan Bendahari PAS Kawasan adalah berkuasa menandatangani cek-cek PAS Kawasan, tandatangan dua orang dari pegawai ini adalah sah dengan syarat seorang daripadanya ialah Bendahari PAS Kawasan.
- (e) Wang PAS Cawangan-cawangan, Dewan-dewan 'Ulamak, Pemuda, Muslimat, As-Sabiqun dan Himpunan Pendukung PAS Pusat, Negeri dan Kawasan hendaklah disimpan di mana-mana bank yang ada mengamalkan sistem perbankan Islam yang dipersetujui oleh Jawatankuasa Harian masing-masing. Ketua atau Timbalannya, mengikut mana yang dipersetujui oleh Jawatankuasa Harian masing-masing, Setiausaha dan Bendahari masing-masing adalah berkuasa menandatangani cek masing-masing. Tandatangan dua orang dari pegawai ini adalah sah dengan syarat seorang daripadanya ialah Bendahari.

(3) Wang Tunai Di Tangan

- (a) Bendahari PAS Pusat dibenarkan menyimpan wang tunai di tangan tidak lebih dari RM10,000.00. Bendahari Perhubungan Negeri, Dewan-dewan 'Ulamak, Pemuda, Muslimat, As-Sabiqun dan Himpunan Pendukung PAS Pusat dan Negeri masing-masing dibenarkan menyimpan wang tunai di tangan tidak lebih dari RM5,000.00. Segala perbelanjaan yang lebih dari itu hendaklah terlebih dahulu mendapat kelulusan daripada Jawatankuasa Harian masing-masing.
- (b) Bendahari PAS Kawasan, bendahari Dewan-dewan 'Ulamak, Pemuda dan Muslimat PAS Kawasan dibenarkan menyimpan wang tunai di tangan tidak lebih dari RM3,000.00. Sebarang perbelanjaan yang lebih dari itu hendaklah mendapat kelulusan daripada Jawatankuasa Kerja masing-masing.
- (c) Bendahari PAS Cawangan dibenarkan menyimpan wang tunai di tangan tidak lebih dari RM1,000.00 dan segala perbelanjaan yang lebih dari itu hendaklah mendapat kelulusan daripada Jawatankuasa Kerja PAS Cawangan itu.
- (d) Setiausaha Agung, Setiausaha Badan Perhubungan PAS Negeri, Setiausaha Dewan-dewan 'Ulamak, Pemuda, Muslimat, As-Sabiqun dan Himpunan Pendukung PAS Pusat dan Negeri dibenarkan menyimpan wang tunai di tangan tidak lebih dari

RM5,000.00 untuk perbelanjaan yang tidak ditetapkan.

- (e) Setiausaha PAS Kawasan, Setiausaha Dewan-dewan 'Ulamak, Pemuda dan Muslimat PAS Kawasan dibenarkan menyimpan wang tunai di tangan tidak lebih dari RM2,000.00 untuk perbelanjaan yang tidak ditetapkan.
 - (f) Setiausaha PAS Cawangan dibenarkan menyimpan wang tunai di tangannya tidak lebih dari RM500.00 untuk perbelanjaan yang tidak ditetapkan.
- (4) Bendahari PAS Pusat sahaja yang berhak menerima sebarang wang PAS yang melalui Pejabat Agung dan mengeluarkan resit kerananya, jika ketiadaan Bendahari PAS Pusat, maka Setiausaha Agung atau mana-mana orang yang diberi kuasa dengan bersurat olehnya boleh menggantikannya bagi pihaknya. Demikianlah juga dengan sebarang wang yang dibayar kepada Badan Perhubungan PAS Negeri, PAS Kawasan, PAS Cawangan, Dewan-dewan 'Ulamak, Pemuda dan Muslimat PAS Pusat, Negeri dan Kawasan yang berhak menerima dan mengeluarkan resit kerananya ialah Bendahari-bendahari masing-masing. Dan jika ketiadaan Bendahari-bendahari itu, maka Setiausaha-setiausaha atau mana-mana orang yang diberi kuasa dengan bersurat olehnya bolehlah menggantikan bagi pihaknya.

FASAL 71. Tuntutan

Jawatankuasa-jawatankuasa Kerja PAS berhak memajukan sebarang tuntutan kewangan dan

sebagainya kepada sesiapa jua pun yang berhak dengan PAS dengan apa jua cara yang munasabah.

FASAL 72. Lembaga Pemegang Amanah

- (1) PAS boleh memiliki harta alih dan tak alih.
- (2) Harta yang dimiliki oleh PAS bolehlah dipegang dan didaftarkan atas nama PAS atau atas nama Pemegang Amanah yang terdiri daripada tidak kurang dari tiga orang dan tidak lebih dari lima orang bagi peringkat Pusat, tidak kurang dua orang dan tidak lebih tiga orang bagi peringkat Negeri dan Kawasan yang hendaklah diikat melalui Surat Ikatan Amanah tertakluk kepada undang-undang yang berkaitan.
- (3) Pemegang Amanah PAS Pusat, Negeri dan Kawasan hendaklah dilantik daripada ahli-ahli PAS oleh mesyuarat jawatankuasa peringkat masing-masing.
- (4) Seseorang Pemegang Amanah itu hendaklah memegang jawatannya sehingga ia meminta berhenti atau diberhentikan oleh Jawatankuasa Kerja PAS Pusat atau Muktamar Tahunan PAS atau mesyuarat Perhubungan PAS Negeri bagi sesebuah negeri, atau mesyuarat Jawatankuasa Kerja PAS Kawasan bagi sesebuah Kawasan dengan apa-apa sebab sekalipun.

Maka keberhentian orang yang menjadi Pemegang Amanah itu hendaklah dimaklumkan kepada mesyuarat Jawatankuasa Kerja PAS Pusat yang diadakan kemudian daripada keberhentian itu supaya diangkat gantinya, dan

bagi peringkat negeri hendaklah dimaklumkan kepada mesyuarat Perhubungan PAS Negeri supaya diangkat gantinya, dan bagi peringkat Kawasan hendaklah dimaklumkan kepada mesyuarat Jawatankuasa Kerja PAS Kawasan supaya diangkat gantinya.

- (5) (a) Harta-harta tak alih, yang dimiliki oleh PAS, Dewan-dewan 'Ulamak, Pemuda, Muslimat, As-Sabiqun dan Dewan Himpunan Pendukung PAS Pusat hendaklah dipegang oleh Pemegang Amanah PAS Pusat.

(b) Harta-harta tak alih, yang dimiliki oleh Badan Perhubungan PAS Negeri, Dewan-dewan 'Ulamak, Pemuda, Muslimat, As-Sabiqun dan Dewan Himpunan Pendukung PAS Negeri, hendaklah dipegang di bawah kuasa pemegang Amanah PAS Negeri.

(c) Harta-harta tak alih yang dimiliki oleh PAS Kawasan, Dewan-dewan 'Ulamak, Pemuda dan Muslimat PAS Kawasan dan Cawangan-cawangan PAS dalam Kawasan itu, hendaklah dipegang di bawah kuasa Lembaga Pemegang Amanah PAS Kawasan itu.
- (6) Sebuah Lembaga Pemegang Amanah PAS hendaklah ditubuhkan disemua peringkat bagi tujuan mengurus tadbirkan pegangan dan pemilikan tiap-tiap harta alih dan tak alih parti serta memastikan kepentingan PAS terpelihara.
- (7) Lembaga Pemegang Amanah PAS hendaklah bermesyuarat tidak kurang dari dua kali setahun

dan mengemukakan laporannya di peringkat masing-masing.

FASAL 73. Pemeriksa Kira-Kira

- (1) Tidak kurang dua orang Pemeriksa Kira-Kira PAS Pusat itu hendaklah dipilih dan dilantik di dalam Muktamar Tahunan PAS Pusat pada tiap-tiap dua tahun sekali atau mana-mana Muktamar Tahunannya yang ada pemilihan.
- (2) Jawatankuasa Kerja PAS Pusat bolehlah memilih dan melantik mana-mana Juruaudit bertauliah menjadi Pemeriksa Kira-Kira luar bagi Pejabat Agung.
- (3) Tidak kurang daripada dua orang hendaklah dipilih dan dilantik oleh Mesyuarat Badan Perhubungan PAS Negeri bagi menjadi Pemeriksa Kira-Kira Badan Perhubungan PAS Negeri itu.
- (4) Tidak kurang daripada dua orang hendaklah dipilih dan dilantik oleh Mesyuarat Agung Tahunan PAS Kawasan bagi menjadi Pemeriksa Kira-Kira PAS Kawasan itu.
- (5) Tidak kurang daripada dua orang hendaklah dipilih dan dilantik oleh Mesyuarat Agung PAS Cawangan bagi menjadi Pemeriksa Kira-Kira PAS Cawangan itu.
- (6) Tidak kurang daripada dua orang hendaklah dipilih dan dilantik oleh Muktamar Dewan-dewan 'Ulamak, Pemuda, Muslimat, As-Sabiqun dan Himpunan Pendukung PAS Pusat dan Negeri bagi menjadi Pemeriksa Kira-Kira Dewan-dewan itu di peringkat Pusat dan Negeri.

- (7) Tidak kurang daripada dua orang hendaklah juga dipilih dan dilantik oleh Mesyuarat Agung Tahunan Dewan 'Ulamak, Pemuda dan Muslimat PAS Kawasan bagi menjadi Pemeriksa Kira-Kira Dewan-Dewan itu.
- (8) Semua pemilihan dan perlantikan yang disebutkan dalam Ceraian (3) hingga (7) di atas hendaklah dibuat pada tiap-tiap dua tahun sekali.
- (9) Seorang Pemeriksa Kira-Kira tidaklah boleh menjawat jawatan lain dalam peringkat PAS yang memilih dan melantiknya. Sekiranya ia menerima berhenti atau diberhentikan atas apa-apa jua sebab sekalipun, maka hendaklah diangkat gantinya oleh mesyuarat Jawatankuasa Kerja di peringkat PAS yang memilih dan melantik akan dia.
- (10) Adapun bagi Perhubungan PAS Negeri, PAS Kawasan, Dewan-dewan 'Ulamak, Pemuda, Muslimat, As-Sabiqun dan Himpunan Pendukung PAS Pusat dan Negeri bolehlah, dengan persetujuan mesyuarat Jawatankuasa Harian bagi Perhubungan PAS Negeri dan Jawatankuasa Kerja bagi lain-lain, memilih dan melantik mana-mana Juruaudit bertauliah menjadi Pemeriksa Kira-Kira luarnya masing-masing.

BAB YANG KEDUA BELAS LAIN-LAIN HAL

FASAL 74. Bendera PAS

- (1) Adapun Bendera PAS ialah berwarna merah terletak di atas warna putih yang sama lebarnya (merah-putih) dan di pangkalnya sebelah atas terletak bulatan hijau.
- (2) Ukuran Bendera PAS itu ialah sebesar 5 X 7 sama ada dengan ukuran inci atau kaki atau lain-lain.
- (3) Bendera PAS bolehlah digunakan dalam setiap perayaan/perjumpaan yang dianjurkan oleh PAS atau sebarang perayaan yang disertai oleh PAS.
- (4) Bendera PAS bolehlah digunakan sebagai latar belakang dalam setiap majlis-majlis anjuran PAS.
- (5) Bendera PAS bolehlah digunakan pada pejabat-pejabat PAS, rumah-rumah Ahli PAS dan pada kenderaan ahli-ahli PAS pada semua peringkat.
- (6) Bendera PAS bolehlah digunakan pada masa-masa pilihan raya.

FASAL 75. Lambang PAS

Adapun Lambang atau Simbol PAS untuk pilihan raya ialah Bulatan Putih dengan berlatar belakang warna hijau, dan dalam keadaan tertentu latar belakang boleh juga digunakan warna hitam dengan memakai ukuran 3 X 4 iaitu 3 lintang dan 4 bujur atau segi empat sama dalam apa-apa ukuran, atau apa-apa simbol yang dipersetujui oleh Jawatankuasa

Kerja PAS Pusat dan diluluskan oleh Pendaftaran Pertubuhan serta Suruhanjaya Pilihan Raya.

FASAL 76. Tatatertib PAS

- (1) Semua ahli-ahli hendaklah
 - (a) Taat dan patuh kepada dasar PAS.
 - (b) Taat dan patuh kepada Perlembagaan Parti serta Aturan dan Peraturannya.
 - (c) Taat dan patuh kepada arahan-arahan dan perintah-perintah Parti.
 - (d) Melaksanakan kewajipan-kewajipan yang ditugaskan oleh Parti sedaya upaya yang boleh.
 - (e) Menjaga dengan cermatnya segala rahsia-rahsia Parti.
 - (f) Mengamalkan akhlak Islam.
 - (g) Mengawal diri supaya tidak melakukan sebarang tindakan yang menyalahi atau merugikan kepentingan Parti.
 - (h) Menerima PAS sebagai satu-satunya wadah perjuangan Islam bagi dirinya di dalam negara ini.
- (2) Sebuah Jawatankuasa Tatatertib hendaklah ditubuhkan di peringkat pusat. Perhubungan Negeri, Kawasan-kawasan, Cawangan-cawangan dan Dewan-dewan bolehlah melaporkan apa-apa tindakan dan perbuatan ahli-ahli yang didapati melanggar tatatertib parti kepada Setiausaha Agung atau Pejabat Agung

untuk tindakan sewajarnya oleh Jawatankuasa Tatatertib itu.

- (3) Jawatankuasa Tatatertib itu hendaklah terdiri dari:
 - (a) Seorang Pengerusi
 - (b) Seorang Timbalan Pengerusi
 - (c) Seorang Setiausaha, dan
 - (d) Empat orang ahli Jawatankuasa
- (4) Ahli-ahli Jawatankuasa Tatatertib yang disebut dalam Ceraian 3(a), (b), (c) dan (d) Fasal ini hendaklah dari kalangan ahli-ahli PAS yang berkelayakan pada pandangan Jawatankuasa Kerja PAS Pusat dan tidak memegang apa-apa jawatan dalam parti.
- (5) Jawatankuasa Kerja PAS Pusat, menurut kuasa yang diperuntukan kepadanya dalam Fasal 39(9)(c) Perlembagaan ini adalah diberi kuasa melantik semua ahli-ahli Jawatankuasa Tatatertib dari semasa ke semasa.
- (6) Kuasa Jawatankuasa Tatatertib itu ialah:
 - (a) Memberi amaran
 - (b) Melucutkan hak-hak dalam parti
 - (c) Menggantungkan keahlian
 - (d) Memecat dari menjadi ahli
- (7) Jawatankuasa Tatatertib yang mengenakan tindakan tatatertib mengikut Ceraian (6)(b) dan

(c) Fasal ini hendaklah menetapkan satu tempoh tertentu mengikut kesesuaian pada pandangan Jawatankuasa Tata tertib terhadap tindakan tata tertib yang diambil.

- (8) Jawatankuasa Kerja PAS Pusat dengan apa-apa jua cara yang difikirkan munasabah hendaklah menimbang dan memutuskan rayuan mana-mana Ahli PAS yang telah dikenakan tindakan tata tertib dan tidak berpuashati dengan keputusan yang dibuat oleh Jawatankuasa Tata tertib dengan syarat ahli tersebut hendaklah mengemukakan rayuannya kepada Jawatankuasa Kerja PAS Pusat melalui Setiausaha Agung dalam tempoh 30 hari daripada tarikh keputusannya yang dibuat oleh Jawatankuasa Tata tertib mengikut Ceraian (6) Fasal ini.
- (9) Jawatankuasa Kerja PAS Pusat dalam keadaan tertentu adalah berhak mengambil apa-apa tindakan tata tertib dengan sendirinya tanpa menghiraukan Jawatankuasa Tata tertib ke atas mana-mana Ahli PAS yang dianggap melanggar Ceraian (1) Fasal ini.

FASAL 77. Rayuan Tata tertib

- (1) Ahli-ahli PAS yang dikenakan tindakan tata tertib di bawah Fasal 76 Perlembagaan ini yang tidak berpuas hati dengan keputusan Jawatankuasa Tata tertib bolehlah mengemukakan rayuan bersurat kepada Setiausaha Agung PAS dalam tempoh 30 hari dari tarikh keputusan Jawatankuasa Tata tertib untuk dipertimbangkan oleh Jawatankuasa Kerja PAS Pusat.

- (2) Jawatankuasa Kerja PAS Pusat mengikut Fasal 9(9)(e) dan 76(8) Perlembagaan ini berkuasa untuk mendengar semula rayuan tatatertib PAS.
- (3) Dengan mengabaikan Ceraian (2) Fasal ini, ahli-ahli yang dikenakan tindakan mengikut Fasal 76(9) Perlembagaan ini bolehlah mengemukakan rayuan terus kepada Majlis Syura 'Ulamak dalam tempoh 30 hari.
- (4) Ahli-ahli yang tidak berpuas hati dengan keputusan rayuan yang dibuat oleh Jawatankuasa Kerja PAS Pusat boleh membuat rayuan semula dengan mengemukakan rayuan secara bertulis kepada Setiausaha Majlis Syura 'Ulamak dalam tempoh 15 hari daripada keputusan Jawatankuasa Kerja PAS Pusat untuk dipertimbangkan oleh Majlis Syura 'Ulamak.
- (5) Majlis Syura 'Ulamak adalah berkuasa untuk mendengar rayuan bagi ahli-ahli yang dikenakan tindakan mengikut Fasal 76(9) Perlembagaan ini dan rayuan semula mengikut Ceraian (4) Fasal ini. Keputusan dan tindakan Majlis Syura 'Ulamak itu adalah muktamad.

FASAL 78. Peraturan Mukhtar dan Mesyuarat

- (1) Adapun peraturan Mukhtar dan Mesyuarat Agung bagi Mukhtar Tahunan dan Mesyuarat Agung PAS adalah disifatkan seolah-olannya menjadi sebahagian daripada Perlembagaan ini dan mempunyai kekuatan sebagaimana Perlembagaan juga.
- (2) Peraturan Mukhtar dan Mesyuarat Agung yang baru bolehlah diperbuat dan diluluskan oleh Jawatankuasa Kerja PAS Pusat bila dikehendaki

ataupun peraturan-peraturan Mukhtar dan Mesyuarat Agung yang telah ada bolehlah dipinda atau diubah atau dimansuhkan dengan satu ketetapan oleh Jawatankuasa Kerja PAS Pusat.

- (3) Sebarang pertikaian atau perselisihan faham dan pendapat di atas semua Peraturan Mukhtar dan Mesyuarat Agung yang disebut dalam Fasal ini hendaklah dirujuk kepada Majlis Syura PAS mengikut Fasal 82(1).

FASAL 79. Aturan dan Peraturan PAS

- (1) Adapun sebarang Aturan dan Peraturan bagi mana-mana organisasi dalam PAS adalah disifatkan seolah-olah menjadi sebahagian daripada Perlembagaan ini dan mempunyai kekuatan sebagaimana Perlembagaan juga.
- (2) Apa-apa Aturan dan Peraturan bagi mengemaskan mana-mana organisasi di semua peringkat PAS bolehlah diperbuat dan diluluskan oleh Jawatankuasa Kerja PAS Pusat dan boleh dipinda atau diubah atau dimansuhkan oleh Jawatankuasa Kerja PAS Pusat dengan syarat ia tidak bertentangan dengan Perlembagaan ini.
- (3) Jawatankuasa Kerja PAS Pusat adalah berkuasa untuk membuat apa-apa kaedah, tatacara, prosedur dan lain-lain termasuk pekeliling yang menjadi arahan amalan, dan ia hendaklah disifatkan sebagai sebahagian daripada Aturan dan Peraturan PAS dan boleh dipinda atau diubah atau dimansuhkan mengikut kaedah Ceraian (2) Fasal ini.

- (4) Adapun mana-mana bahagian di dalam mana-mana Aturan dan Peraturan yang dibuat mengikut Fasal 78 dan Fasal 79 Perlembagaan ini yang bertentangan dengan Perlembagaan ini, maka ia terbatal dengan sendirinya setakat mana ia bertentangan.
- (5) Sebarang pertikaian atau perselisihan faham dan pendapat di atas semua aturan dan peraturan yang disebut dalam Fasal ini hendaklah dirujuk kepada Majlis Syura 'Ulamak mengikut Fasal 82(1).

FASAL 80. Meminda Perlembagaan PAS

- (1) Adapun Perlembagaan PAS ini atau sebarang bahagian daripadanya bolehlah dipinda atau dibatalkan atau ditambahkan dengan ketetapan yang dipersetujui oleh dua pertiga suara yang hadir dalam Muktamar PAS Pusat.
- (2) Suatu ketetapan yang mengandungi sebarang syor atau cadangan hendaklah meminda atau membatalkan atau mengubah atau menambahkan kepada Perlembagaan ini hendaklah dihantar kepada Setiausaha Agung sebagaimana yang disyaratkan di dalam Peraturan Muktamar PAS.
- (3) Sebarang pindaan, perubahan dan sebarang perkara yang berkait dengan Perlembagaan ini hendaklah dikemukakan kepada Pendaftar Pertubuhan dalam tempoh 60 hari dari tarikh ia diluluskan oleh Muktamar PAS Pusat, dan tidak boleh dijalankan melainkan sesudah mendapat pengakuan daripada Pejabat Pendaftar Pertubuhan.

FASAL 81. Cara Memansuhkan PAS

- (1) PAS ini tidaklah boleh dimansuh atau dibubarkan melainkan dengan persetujuan tidak kurang daripada tiga perlima daripada jumlah bilangan ahli-ahli PAS yang telah menyatakan persetujuan mereka dengan bersendirian ke dalam Mukhtar yang diadakan kerana maksud tersebut, atau dengan persetujuan sebulat suara dari perwakilan yang mewakili tiga perlima daripada ahli-ahli PAS Kawasan di dalam Mukhtar PAS kerana maksud tersebut.
- (2) Jika persetujuan bagi memansuh dan membubarkan PAS ini dipersetujui, maka segala hutang-hutang PAS hendaklah dijelaskan dan segala wang baki harta-harta dan apa jua yang berkaitan dengannya diserahkan kepada keputusan Mukhtar itu.
- (3) Kenyataan berkenaan dengan memansuh dan membubarkan PAS ini hendaklah disampaikan kepada Pendaftar Pertubuhan di dalam tempoh empat belas hari dari tarikh diambil keputusan itu.

FASAL 82. Lain-lain Perkara

- (1) Segala perkara yang berbangkit dan perselisihan faham dan pendapat di atas tafsiran Perlembagaan ini, serta Aturan dan Peraturan yang diperbuat mengikut kuasa-kuasa yang diperuntukan dalam Perlembagaan ini hendaklah dirujuk kepada Majlis Syura 'Ulamak dan sebarang keputusannya adalah mukhtar, jika tidak diubah oleh Mukhtar.

- (2) Majlis Syura 'Ulamak adalah berkuasa membuat sebarang keputusan di atas perkara-perkara yang tidak diperuntukan dalam Perlembagaan ini dengan syarat keputusan itu hendaklah tidak bercanggah dengan dasar dan tujuan PAS seperti yang termaktub dalam Perlembagaan ini dan tertakluk kepada kuasa tertinggi Muktamar.
- (3) Sebarang pertikaian dan perselisihan di dalam PAS, Badan-badan dan organisasi-organisasi serta Jawatankuasa-Jawatankuasa Kecil/Lajnah-Lajnah yang dibentuk mengikut peruntukan-peruntukan Perlembagaan ini tidak boleh dibawa ke Mahkamah.
- (4) PAS boleh mendakwa atau didakwa di atas nama mana-mana seorang ahlinya yang diisytiharkan kepada Pendaftar Pertubuhan dan orang itu didaftarkan oleh PAS sebagai Pegawai PAS bagi tujuan tersebut, dan, jika sekiranya tiada orang tersebut didaftarkan, maka ia menjadi sah bagi mana-mana orang yang mempunyai tuntutan atau hak ke atas PAS mengambil tindakan ke atas mana-mana Jawatankuasa Kerja PAS ketika itu dan begitulah juga bagi pihak PAS dengan apa jua cara yang munasabah.
- (5) Penasihat, pegawai dan kakitangan yang menjalankan tugas eksekutif PAS di semua peringkat hendaklah terdiri dari warganegara Malaysia.